


# MIFUTA YEMILALU YA BALUMELI

 Halu inamiseni litho za luna. Ka litho za luna ze inami cwalo, ni lipilu za luna, Hani zibi kuli ki babakai baba tabela ku hupulwa mwa tapelo, mu nanule fela mazoho a mina, muli, “Mulena, uni hupule, O Mulena.” Kuna ni likupo zeñata fa, litaulo li beilwe fa tafule.

<sup>2</sup> Ndate Yomunde wa Lihalimu, lu kopani hape manzibwana a mwatasa situwa se, mo U kopani ni luna linako zeñata, mi u bonisize lilato la Hao ku luna; halunze lu lika ka linzila za luna za ku ikokobeza lu bonisa lilato la luna ni buitumelo ku Wena, ka So lu ezelize. Mi busihu bo lwa taha hape, Mulena, kakuba sicaba se si tokwile, kakuli lu mwa kutokwa kamita ku Wena. Mi haibile fela lu mwa lifasi le, lu ziba kuli seo kona sililo, kakuli lu mwa ndwa. Mi lu mwa . . . Ndwa isweli ya kolota, mi No sepisize mane wa bulela sila mo si kabelo sina tau ye lila. Si tamuluzwi mwahala sicaba, mi lwa libona kai ni kai, sina tau ye lila ye pazaula kaufela sa kona, kakuli u ziba kuli nako ya hae ki ye kuswani. Kono lu nani—lu nani nda—nda Ndate ya tokomela bana ba Hae ba banyinyani, mi ku Wena kona ko lu taha ni likupo za luna, busihu bo, Mulena. Lu lapela kuli U li alabe.

<sup>3</sup> Mi litaulo ze beilwe fa ze, Ndate, litalusa kuli kuna ni sicaba se si kula kokuñwi mwa sibaka, mi se si biza ni kutokwa Wena, ni kulumela ku Wena, kuli ba beye tumelo ya bona fa ka kuluma litaulo ze. Mulimu, lumeleza kuli mañi ni mañi wa bona a foliswe.

<sup>4</sup> Lwa bona mata a Hao amatuna, Mulena, fa nako nyana fela mwa muzuzu mwani, ha no kutselize kupuzo ya mushimani yani yene lyangani. Lwa bona mata a Hao amatuna, nako ni nako, kuzusa matuku ni kupatulula likunututu za lipilu, ni ku bonisa sicaba, ni kuba beya mwa sikuka hande. Lwa itumela ku Wena, Mulena Mulimu, kakuli zani li fitelela mutu ufi kaufela. Sani si fitelela sika kaufela seo mañi wa luna kaufela akona kuziba, ka Mo kona ku patululela taba ya teni luli, ni sene si ezize sani, ni mo si inezi. Yani ki Wena, Ndate. Mi lwa ziba, kuli, “Linzwi li tatuba pilu, mi ki Mulemuhi wa mihupulo ni maikuto a mwa pilu,” kacwalo lwa itumela ku Wena ka se.

<sup>5</sup> Mi cwale, Mulena, lu lumela kuli sicaba cwale, ni litho za sona ze inami, sisweli ku nahana ka lika ze, mi ki Moya o Kenile o sweli kubulela ku bona. Mi lumeleza kuli yeñwi ni yeñwi ya likupo za bona kuli ialabiwe. Pilisa baba lukela ku piliswa, Mulena, busihu bo. Baba latehile, ha ba kene mwahali mi ba piliswe.

<sup>6</sup> Lu itumela hahulu kubona butuna, bwa libunda la litino ze kolobile fani, ka kuziba kuli libita li kwaluhile; mi sibi sa mutu

wa kale si pumbekilwe, ku babañata ba bona. Mi Na itumela ku Wena ka zeo, Ndate. Mi ha ba zamaye mwa bunca bwa Bupilo, mazazi a bona kaufela a siyezi. Ka Libizo la Jesu Kreste, lwa li kupa. Amen.

<sup>7</sup> Mulena ami fuyole, a lumeleze kuli likupo ze munani mwa lipilu li alabiwe.

<sup>8</sup> Cwale, Ni lumela kuli Billy uize kuli Muzwale Wheeler nana ni mbututu yomunyinyani. Kana ki niti yeo nji? Kikuli ni ezize mafosisa fo, ya lukela ku neelwa, kamba nto yeñwi ye cwalo, kamba ku neelwa. [Muzwale Neville uli, “Ni lumela kuli nekuna ni limbututu zetalu.”—Mu.] Ku lukile. Haiba mutabela ku batisa bao cwale, lukaabela; haiba ba bahulu ba ka taha kwapili, ba to beya mazoho fa limbututu ze, kwa sebelezo ya ku neelwa. Mi luka lika kuba baba akufa fela. Mi lu bata kuli limbututu zenyinyani ze, ze bata kutaha ku Mulena Jesu, baba bata kutisa za bona—za bona ona macwe a butokwa ao Mulimu na file ku bona. Kamita lu lika kuba ezeza nzila ya bona, kakuli halu zibi ze taha kamuso.

<sup>9</sup> Boma ne ba ni bulelelanga kuli, “Usike wa kashezanga lika, kamuso, ze lukela ku ezahala kacenu.” Yeo ki niti, kakuli ha u zibi ze taha kamuso, kono lwa ziba Ya sweli za kamuso. Seo kona siemba sa butokwa. Lwa ziba Ya sweli za kamuso.

<sup>10</sup> Muzwale Wheeler, Mulena Mulimu aku fuyole. Mi yo ki Kezeli Wheeler. Ni tabile hahulu fa ku kopana ni mina. Mi Ni. . . litohonolo la ka lelituna, ka nako ya pili, Na lumela, kuya ka mo Ni zibela, fa ku kopana ni mina. Mi yo ki mbututu wa mina. Ki yena mañi libizo? [Kezeli Wheeler uli, “Carlana Rebecca.”—Mu.] Carlana Rebecca. Kihande, ha ki musizana yomunyinyani kwa bunde, ki yomunde luli mwakona kubela. Cwale, Carlana Rebecca Wheeler yomunyinyani.

<sup>11</sup> Muzwale Wheeler ki alimuñwi wa madikoni ba luna mo mwa keleke, mi Mulimu u fuyozu buñwi bwa bona, ku yena yomunyinyani yoo. Ni lumela kuli mu cwalo, ka za, Na ziba, basizana bababeli babañwi, nji cwani? [Muzwale Wheeler uli, “Babalalu.”—Mu.] Basizana babalalu. Ki likalibe zende luli, kuya ka mo Ni utwisiseza, mi kacwalo Ni lapela kuli Mulimu aeze Rebecca inge fela babañwi ba bona. Mwabona? Mi kipeto seo si ka mi utwisa hande kaufela mina, nji cwani? Yeo ki niti, kakuli ki bana babande luli.

<sup>12</sup> Ha ni zibi kamba uka ni lumeleza ku muswala kamba nee, kono, haiba ahana, lu ka mubeya mazoho. Kana u lata kutaha ku na, Rebecca? Wa ni ku swale? Ki nto yende luli. Ha ki musizana yomunyinyani kwa bunde!

Cwale ha lu inamiseni litoho za luna.

<sup>13</sup> Ndate ya Musa ya kwa Lihalimu, halunze lu yema mo fapila dikoni yo, busihu bo; mi mane ki ofisi yende ya sweli, kakuli dikoni ulukela ku fumaneha ali ya sina fa nyazahala, abe muuna

wa musali alimuñwi, ya busa lubasi lwa hae hande. Kakuli, haiba ha zibi mwa ku zamaiseza lubasi lwa hae, uka kona cwani ku busa ndu ya Mulimu? Mi lwa itumela ku Wena kuli muzwale yo ufutile fa linepo zeo, mi lu mufumana mwa Moya wa Mulimu.

<sup>14</sup> Mi utisa cwale mbututu wa hae yomunyinyani wa musizana kwanu, kuli ato neelwa. U mu beile mwa mazoho a bona kuli ba mu ute. Mulimu, ni mo lubezi baba itumela, kuli lukona kubulela kuli, takazo ya bona kikuli abe inge likezeli zeñwi za hae. Lumeleza, Ndate, kuli se sibe cwalo. Mi cwale banana ba pile ni—ni kuba sebelezo yetuna ku Wena, Ndate. Mi cwale, ka Libizo la Jesu Kreste, lufa mbututu yo ku Wena kwa bupilo bwa sebelezo. U muezey ya i ketile, ya tiile; ha pile bupilo bo butelele, kufitela Jesu ataha, haiba kwa konahala. Mi cwale, Ndate, lu lumela kuli uka huliswa mwa kalimelo ya Kreste. Mi lufa bupilo bwa hae ku Wena, kuba bupilo bwa sebelezo. Amen.

<sup>15</sup> Mulimu aku fuyole, Rebecca. Mi Mulimu aku fuyole, Muzwale Wheeler ni Kezeli Wheeler. Mulena abe ni mina.

<sup>16</sup> U ikutwa cwani? Cwale ki yo fa musizana yomunyinyani yana ni lumenyo lolutuna fa sifateho sahae. Mi ki yena mañi libizo? [Bo mahe bali, “Rhonda Renee Coats.”—Mu.] Rhonda Renee Coats, kana kona cwalo? Kana ki fa sihabo ni Jesse bani haba, Jesse Coats? [“Batili.”] Ni hupuzi fela. . . Ni zibile babañwi ba ha Coats kwanu mwa tolopo. Ne ni ba ziba hande luli, mi babile—babile balikani baka fa—fa nako yetelele.

<sup>17</sup> Rhonda, Rhonda Renee. Hani zibi haiba wakona kutaha ku na, Rhonda? Nika—Nika ku kutiseza kapili ku bo maho, lu sa feza fela kukufa ku Mulena Jesu. Cwale, ha ki ya munati nji!

Cwale halu inamiseni litho za luna.

<sup>18</sup> Ndate yakwa Lihalimu, kakuba yomuhulu wa Hao mi Ni yema hamoho busihu bo, mwa tumelalano ni mwa kutwano ya Evangeli, me yo utisa Rhonda Renee yomunyinyani yo ku Wena kuli a neelwe. U mubeile mwa mazoho a hae, kuli amu babalele, mi nto yapili ya kona kuezza ki ku mukutisa ku Wena. Sina Jobo wa kale ha naize kuli, ki Mulena ya fanga lika ze. Mi lwa lapela, Mulimu, kuli U mu buluke hande kufitela hola Yo ka munga. Mi, Mulimu, lumeleza kuli apile bupilo bwa niti bwa Bukreste mi abe mutala ku babañwi, hanze a hula cwalo. Fuyola lapa la hae, mi a neelwe ku Wena, ibe sebelezo yetezi, ka lipilu za niti. mi cwale, Mulimu, lufa ku Wena Rhonda Renee Coats yomunyinyani, ka Libizo la Jesu Kreste, ibe bupilo bwa sebelezo. Amen.

Ki ya munati luli! Mulimu aku fuyole, kezeli.

<sup>19</sup> U ikutwa cwani! [Kezeli uli, “Robert Paul Schamel.”—Mu.] Robert Paul Shane? [“Schamel.”] Schamel.

<sup>20</sup> Kihande, kucwani haiba. . . Mi u bonahala kuba mwanana cwalo, Hani sepi kuli wa kona kutisa hahulu likañi ka yena.

Usike wa ni seha cwalo. Talima kwanu, haiba ubata sika sa ku seha. Robert Paul, ha ki libizo kwa bunde ni leo!

Halu inamiseni litho za luna.

<sup>21</sup> Mulimu, sina musizana yomunyinyani yo ha taha kwanu; fela, ku luna, hakona kuba mwana. Mi ufa mushimani wa hae yomunyinyani, O Mulimu, kakuba bupilo sebelezo ku Wena. Ki miselo ni linepo za kopano ya bona. Na lapela, Mulimu, kakuba yomuhulu wa Hao mi Ni beya mazoho ku mbututu yomunyinyani yo, kuli bupilo bwa hae bube bo bu neezwi ku Wena. Lumeleza, Mulena, haiba kuna ni kamuso, ha lwale Liñusa lona—lona leo bashemi ba hae basweli ku teeleza, Mulimu. Lumeleza cwalo. Mi Ni lapela kuli U fuyole malapa abona, mi cwale mwana ahulisezwe mwa kalimelo ya Mulimu, mi abe mulutiwa wa Hao ya—ya latwa. Lu mufa ku Wena ka Libizo la Jesu Krete. Amen.

<sup>22</sup> Kihande, ki—ki alimuñwi wa bashimani babande. Ku felile. Eeni, sha. Hakuna ze mukona ku kupa zende kufita foo, nji cwani? Hakuna sika mwa lifasi se sikona kuba se si munati kufita fani, yeo ki niti, kufita mwana yomunyinyani yani. Mamenyo kaufela! Munati wani? [Kopano ili, “Amen.”—Mu.]

<sup>23</sup> Zeo nako yeñwi musala ka na ikumbuta musebezi wa ka, ka kuswalanga limbututu zani. U tabela ku li swalanga. Mi Ni na tabela, cwalo, kono kamita Ni sabanga ku li loba. Ki zeli hahulu, mwa ziba, zende hahulu mi li bonahala ze kona kupwaceha, kono, mwa ziba, ki—ki ze tiile luli kufita mo lukona kubela.

<sup>24</sup> Cwale, Ni mi bulelezi kuli Ni ka zwa . . . Kihande, Nina ni fela mizuzu ye mashumi amalalu ka ye ketalizoho. Ni kaba ni ku akufa, nji Ni sike? Halu boneñi. Ha—Ha—Ha ni talusi ku—ku atula sika ka mafosisa, kamba kubulela sika kaufela se si fosahalile, kono Ni ka lika katata luli, kakuli . . . Mwa ziba, kasumulaho lumano ba kwahule ni—ni mukwakwa, halu sa—halu sa ba fela ba manyame-nyame mo ne lu belanga, mwa ziba. Limaili fokuñwi libanga zena ni masulungundu, mi lisebelezo zepeli kamba zetalu mwa lizazi, kiñi . . .

<sup>25</sup> Mi se si nganga sibaka sesituna, kona lipono zani. Kukutaza ha ku ni katalisangi. Mawi, Na kona kuyema fa musihali kaufela, ha li ni bilaezi, kono Ni . . . Kono ki lipono zani fela, mi sicaba hasili fa lipuzo ze, sani kona se ba lukela kuba ni sona. Mwabona? Kona se ba bezi mo. Ki sika se si sa koni kufela ka ku beiwa mazoho. Ki kuziba mubisi, makalelo a ona, se sitisa zeo, se si tisize cwalo, mi cwale ni mwa kuezeza fa kuzwa ku zona. Sani kona se libezi teni.

<sup>26</sup> Cwale, mukopano ukalisa, kamuso muñwi busihu . . . kamba, batili, Mu ni swalele, ki la Bulalu busihu, kwa Shreveport, Louisiana. Mi haiba mutu ufi wa mina kaufela muna ni balikani kwani, kupalañi, mu ba bulelele kuli ba tahe. Life Tabernacle, Na sepa, kona ko—ko lika kaliseza, konji haiba liba kwande a muyaho, haiba bakona kuba ni zona, ili ze kabafa sibaka tuna

sa kuina. Kono bana ni fa kuina fahalimu, ni sibaka sa fafasi sesituna luli, mi hape ni sibaka sesiñwi sa fafasi a sona. Kacwalo, Hani zibi fela kuli bakona kuina babakai, kono ki . . . Haiba liba ze maswe hahulu, mwendi lwa kona kunga muyaho oli fa buse fela ku wani, ili mane. . . Hani zibi kamba kuina babakai, ni mona. Ni bile ni lisebezezo kwani, kono Ha ni hupuli. Wo ki—mu mukopano wa silimo.

<sup>27</sup> Lilimo zetalu kwa mulaho Ne nili kwani, mi lwa kala ancafazo, ka Libizo la Mulena, mi ha isika fela fateni, kuzwa nako yani. Ki ku zwelapili fela ona cwalo, ki ku zwelapili fela; zazi ni zazi, sicaba sa taha, sa piliswa, sa kolobezwa, ni ku zwelapili Mulena ona cwalo, bakutazi ni lika kaufela ba kena mwateni ni bona. Mi lu ba fela. . . Haibile fela lizwelapili ona cwalo, mi Ni ba ya ina kwanu, Ni kaabela ku potelanga teñi ka nako kaufela, ni kubeya fela manzwi aka a likani ni—ni kuya kwapili.

<sup>28</sup> Cwale, zani li ka kalisa la Bulalu, ni kufela la Sunda. Mukushuko wa Baana ba Pisinisi ya Sikreste ki. . . Ha ni. . . ni libezi libizo la hotela yani. . . Ni lumela i bizwa kuli. . . ibizwa. . . Ba, ba ka mi bulelela ha muka yo fita teñi. Ki mukushuko wa baana ba pisinisi.

<sup>29</sup> Neni na ni nako yende kwani, ku mina baana ba pisinisi kwanu, nako yefelile kwani. Mulena na pilisize mu—mu munituti wa za bulapeli, wa mwa muleneñi. Mi, oh, Hani zibi kuli ki sikamañi sene si ezahalile. Neli nako yetuna ku Mulena, kwani, ka kukutaza fa Buitamo bwa Mali. Kacwalo lu. . . Sani kona se ba ziba Majuda; ki mali. “Ha kusina ku sulula mali, hakuna swalelo ya libi,” mwa bona.

<sup>30</sup> Cwale haluyeni fela kulibana ni Linzwi, mi Ni ka eza ka mo ni zibela kubuluka manzwi aka ku mina.

<sup>31</sup> Mi cwale, haiba Mulena wa lata cwale, Sunda ya mwa mulaho wa Kilisimasi, haiba munzi mwa lipumulo za mina ni haiba mukaba teni, hakuna sileze sa lizupa ni lika kaufela, kiñi, mu—mu mukaba kwanu bukaufi, kiñi, mukene fela. Mi lu talimezi kuli lube ni sebezezo kwanu la Sunda kakusasana, ya—ya—ya la Sunda kasamulaho wa Kilisimasi. Ki zazi lifi lani cwale? [Yomuñwi uli, “Twenti naini.”—Mu.] Twenti naini, ki lizazi la bu twenti naini, mi lani ki la Sunda kasamulaho wa Kilisimasi, lizazi la bu twenti naini. Cwale, haiba sika kaufela si ezahala kuli luna, nto yeñwi, haluna ku, mi halukoni kuba mo. . . Halu zibi ka ze taha, mwa ziba. Kono haiba sika kaufela si ezahala, kiñi, mina baba pila kwande a tolopo, baba tahanga kwanu, sina balikani baba zwa kwa Memphis. . .

<sup>32</sup> Ne ni bata kuutwa Muzwale Ungren ha opela kuli *U Yomutuna Cwani*. Mi Ha ni. . . Kana uteni mo busihu bo?

<sup>33</sup> Mi, kacwalo, mi Ni banga ni lika zeñata hahulu kamita, ha Ni koni ku lieza kaufela zona, ha ni koni ku lieza kaufela zona. Mulimu ami fuyole, mina sicaba.

<sup>34</sup> Cwale ha lu apuleñi mwa Mañolo cwale fa—fa palo nyana ya Mañolo. Koo, haiba manzwi aka apalelwa, Le halina ku palelwa. Mi kipeto Mulimu uka mi fuyola ka kuina, ka mukwa fela wa ku teezeza kwa Linzwi la Hae. “Tumelo itaha ka kuutwa, kuutwa Linzwi la Mulimu.” Kana ki niti yeo? Cwale sina hane Ni nahana . . . Hamu sweli, ku apula ku Muhalalehi Joani kauhanyo ya 6, kukala ka timana ya 60, ni kubala hamoho cwalo ni 71, ni yona. Muhalalehi Joani 6:60.

<sup>35</sup> Cwale Ne ni sweli ku nahana, hane Ni sweli ku talimela fa lihaulo fa nako nyana yefitile, ni ku talimela fa lizazi leli likela ka mo zebupilwe kaufela lina ni mulao. Mi cwale nako ya maliha ha itaha, mulao, isali ona fela, wa ze bupilwe, u kenya mezi mwatasi a kota kuya kwa mibisi. Wa pumbeka.

<sup>36</sup> Sina Jobo hana ize, “Oh, kambe Wena no ka ni pata mwa libita, kuli U ni buluke mwa sibaka sa mukunda kufitela buhali bwa Hao bufela.” Mi cwale, kona cwalo, “Kambe Wena no ka ni pata!” Mwabona, na boni ze—ze zebupilwe, kota, bupilo buya mwatasi kwa mibisi; Muzwale Way. “Mi ni kuina mwateni kufitela buhali bufela, mi cwale a ni bize ani tomele nako.” Mwabona?

<sup>37</sup> Zebupilwe lina ni mulao. Kuna ni mulao wa zebupilwe; hakuna mukwa ni hanyinyani wa ku u kekuluha. Ki mulao wa zebupilwe. Mi hape kuna ni mulao wa moya; kuna ni, hape, hakuna mukwa wa ku kekuluha zani.

<sup>38</sup> Ne ni sweli kuambola ni mutu ni musala hae musihali woo, kaza, mo mu sa koneli ku sinyeleza sika kaufela. Batu ha ba koni ku sinyeleza. Bakona ku wisaka fafasi, kono isiñi ku sinyeleza. Mi yomuñwi ali, “Kihande, kucwani ka kunga pampili ni kuicisa, kana sani sa i yundisa ku sinyeleza?” Batili, sha. Si lobaka fela mata ali ku yona fahali, ka kucisa kwa mulilo. I kutela hape kwa buino bwa moya wa gasi cwalo, sene ili sona kwa makalelo. Hamukoni ku yundisa ku sinyeleza. Mi haiba lifasi li ka bateni nako yetelele hahulu, ona mioya ya yani, sani ni—ni buino bwa kemiko ya pampili yani, yakona kukuta mane ni kuba pampili hape. Cwalo ki cona. Hamukoni ku yundisa ku sinyeleza. Luli.

<sup>39</sup> Mulimu, he. Haiba kuna ni zuho kwa lika kaufela, kukuta hape, mi hakuna ku sinyeleza, kuna ni zuho ya ba balukile, eehe, mi lu lukela kukuta. Kona ze liteñi ku zona. Hakuna mukwa wa kuezza lika ka ona. Hakuna taba kamba u cile mwa mulilo, haiba u tibile mwa mezi, kaufela ko li ka ezahalela, halikoni ku yundisa ku sinyeleza.

<sup>40</sup> Mu hupule fela kuli siemba sa mina kaufela nesili teni fa, fani Mulimu hana bulezi lifasi mi la bateni. Na beile mubili wa

mina fa ka yona nako yani. Mi hakuna se si kona ku uzusa fateni konji Mulimu. U kutela mwa mazoho a Hae hape. Mwabona? Mi Yena ki yena Luli, Yena luli, yali Mubupi, ki Yena ya Na file sepiso, kacwalo lu kolwa kuli kuna ni Bupilo Bobusafeli. Mi lu nani sepo mwa lipilu za luna cwale, kuli cwale luna ni Bupilo Bobusafeli, Bupilo Bobusafeli habukoni kushwa, ku luna cwale. Ku lukile.

<sup>41</sup> Muhalalehi Joani 6. Halu kaliseñi cwale ni kauhanyo ya 6 ya Muhalalehi Joani, ni ku kalela ni timana ya 60.

*Kabakaleo buñata bwa balutiwa ba hae, ha ba utwa, ha ba utwa cwalo, bali, Ye ki pulelo yetata; ki mañi yakona ku iutwa?*

*Mi Jesu aziba . . . kasibili kuli balutiwa ba hae ne ba ñuñuna ka yona, mi ki hali ku bona, Kana nto ye ya mi filikanya?*

*Kucwani . . . ha mu kabona Mwana Mutu ha kambamela kwa lihalimu kwa na zwile?*

*Kikuli—kikuli ki . . . ona moya o fa mata a pilisa; mi nama haitusi sesiñwi: manzwi e Ni mi bulelela, kona moya (yani ki Yena), mi ki bupilo. (Ki sikamañi sa Na bulezi? “Ki na Niti, ni Bupilo.”) . . . ki moya, . . . ki bupilo.*

*Kono kuna ni babañwi ba mina baba sa lumeli. Kakuli Jesu na zibile kuzwa isali kwa simuluho babane ba sa lumeli, ni ya na ka mu beteka.*

*Mi ki hali, Kabakaleo Ni li ku mina, kuli hakuna mutu yakona kutaha ku na, konji haiba u filwe cwalo ki Ndate.*

*Mi kuzwa ka nako yani buñata bwa balutiwa ba hae ba kuta mwa mulaho, mi ba tuhela ku zamaya ni yena. (“Pulelo yetata,” mwabona, na si ka li yemela.)*

*Mi Jesu ali ku baba lishumi ka bababeli, Kikuli ni mina mutabela kuya?*

*Cwale Simoni Pitrosi amu alaba ali, Mulena, ki ku mañi ko lu kaya? kakuli wena una ni manzwi a bupilo bobusafeli.*

*Mi lu lumela cwalo mane lwa kolwa kuli ki wena Kreste, Mwana Mulimu ya pila. (Mawi!)*

*Jesu amu alaba ali, Hanili kina Ni mi ketile mina baba lishumi ka bababeli, kanti alimuñwi wa mina ki diabolosi?*

*Na bulela ka Judasi Isikariota mwana Simoni: kakuli ki yena yana lukela ku mu beteka, kakuba alimuñwi wa baba lishumi ka ba babeli.*

42 Cwale, haiba Ni kona kubiza tuto ya busihu bo, ni kulika mo ni konela kuli ibe fela licika la hola, Nia bata kuambola fa: *Mifuta Yemilalu Ya Balumeli.*

43 Mi kamita Ni bulezi pulelo ye. Mi Na hupula, “Kihande, Ni lumela kuli Ni ka kutaza ka yona nako yeñwi, musihali wo.” Ni hupuzi cwalo.

44 Bapili ki balumeli, balikanyisi ba balumeli, ni ba basi balumeli. Cwale, yani kwateni ki—ki—ki tuto. Kono, ka ku sephala sina mo lu inezi mo busihu bo, sikwata sani sa kopananga kamita hamoho. Kai kaufela ko ku kopanezi sicaba, lu fumana sikwata se, mi kamita lwa ba fumananga ona cwalo, mi kamita lu ka banga ni bona kufitela Kutaha kwa Mulena. Mi Ni bata kuli luna, busihu bo, luipeye mwa siswaniso ili luna, sina ha Ni bulela fa likwata ze, mi lubone sikwata se luli ku sona.

45 Cwale muhupule, Ni bulela kwanu mwendi. . . Keleke ye, itezi hape busihu bo, kaufela, ni kwa mamota ni mwa malibela, kono Ni bulela hape ni kwa lifasi kaufela. Mwabona? Mwa libaka kaufela ze shutana za lifasi, matepu a ki mwa potolohanga cwalo, bulumiwa bwa matepu.

46 Cwale Ni bata kubulela ka mifuta yeshutana yemilalu ya balumeli cwale. Cwale muhupule, *balumeli*, tuto yaka ki *balumeli*. Alimuñwi wa bona ki mulumeli wa niti, mi ya tatama ki mulikanyisi wa kulumela, mi ya tatama ki ya sa lumeli. Mwabona?

47 Cwale, sikwata sapili se lubata kubulela fateni, ki sa mulumeli. Kakuli, Ni sepa kuli ulukela kuba wapili, kakuli ki yena ya lumela za niti, cwale, u lumela sina balutiwa mo ne ba lumelezi fa. Lu ka itusisa Liñolo le ka mutala. Cwale, bapili ki balumeli, balumeli ba niti. “Mi tumelo itaha ha kuutwa, kuutwa Linzwi la Mulimu,” mi Linzwi la Mulimu, ki yena Kreste. Mwabona, balumeli!

48 Cwale, kana mulemuhile mubulelelo wo wa na bulezi mulumeli? Cwale, mulumeli halukeli kuba mutu ya talifile mwa mukwa wa kotalifa lifasi. Ha lukeli kuba mutu ya itutile mwa nzila yeo sicaba se si lika ku—ku bulela kuli kona mwa lukela kubela; kono ha mulukeli cwalo. Mina. . . Muuna ya na bulezi pulelo ye, Bibeke yona Kasibili ibulezi kuli nali zepeli cwalo “sitimbi” ni “ya sika ituta.” Pitrosi, ne sa talimwi kuli ki mutu ya butali.

49 Mwa Isaya 35, ili, “Kukaba nzila ya likululu, ni nzila, mi ika bizwa, ‘Nzila ya kukena.’ Baba si ka kena habana ku zamaya ku yona.”

50 Ne ni sweli kubulela ku alimuñwi wa madikoni musihali wo, hane lu sweli kubulela cwalo ka za mitano fa ku silela mwabuse, ni ona o munca wo. Se nili, “Kuna ni kekezo yetuna hahulu mwa libaka za mezi, maabwa kacenu.” Mi se Nili, “Kono kuna ni kekezo iliñwi yetuna ye zwa mwa lifasi ku yo punya ni kwa



Kanya, i bizwa kuli, ‘Nzila ye pahama ya Mulena.’ Baba si ka kena habana ku zamaya ku yona.” Yeo ki niti. Ki—ki mukwakwa ye lukisizwe ki Kreste Mulena luna, ki kekezo ye ezizwe ku zwa mwa lifasi le kuya kwa Naha yeñwi, mi baba si ka kena ha bafiti ku yona.

<sup>51</sup> Pitrosi, yena mutu ya na si ka ituta yo, ya na . . . yemi bukaufi, mi abona bukwala bwa Linzwi la lizazi lateni, yana sepisize Mulimu mwa lizazi lani kuli kukaba Alimuñwi ya kaba—kaba Mupolofita mwahala bona. Mi Simoni nana ni butata kwa kulumela, kakuli kukaba hahulu malikanyiso amaña hahulu a Zona. Kono cwale ha na boni Linzwi la niti, ha li patuluha la lusika lwani, ni ku Mu utwa hande ha Mu paka, na—na ikolwisisa luli ka Yo nali Yena. Mi nali yena, ali, “Mulena, ki ku mañi ko lukaya?” ha na buzizwe.

<sup>52</sup> Mi cwale—cwale nyangela ha i to hasana, mwahala balumeli, ni baba sa lumeli, ni balikanyisi ba kulumela, nekuna ni babalalu ba bona ona fani mwa sikwata silisiñwi sa sicaba sani; balumeli, balikanyisi ba kulumela, ni baba sa lumeli, ye fumanaha ona mwa kauhanyo ye. Mi kakuli Jesu na bulezi Manzwi ao ka mwa Na a bulelezi, na kauhanyize kopano ya Hae. Kono li lukela ku ezahala.

<sup>53</sup> Nali muuna yomutuna haibile fela Na folisa bakuli, kono hane litaha ku za Tuto ni sipolofita, sani kona sene si kauhanyize mu—mu muuku kwa buloto. Mwabona? Muuku ona utatezanga fela kwa buloto. Ha ki bona buloto. Ha ukoni ku itusiswa. Hakuna sika ku ona. Hakuna bupilo ku ona. Ki mutose, mi ha ukoni kuina ni buloto. Hauna kuyola sanda hamoho ni buloto. Mi kacwalo ina ni ku . . . Ki bubeke fela kona se lu ambola fateni, pilu ya bubeke bwa buloto.

<sup>54</sup> Cwale mulemuhe, Pitrosi na ikolwisisa kuli Yani neli yena Mesia. Cwale, ha si shutani ni zene ba bulezi baba siyezi ba bona. Ne li sika eza shutano ni yekana ku zene ba bulezi baprisita bani. Ne li sina butata ku sa na bulezi Simoni Pitrosi kwa keleke. Na ikolwisisa, yena kasibili.

<sup>55</sup> Jesu amu bulelela, mwa sibaka silisiñwi fa Na buzize kuli, “Batu bali ki Na mañi?”

<sup>56</sup> “Mi babañwi bali ki Wena ‘mupolofita,’ mi babañwi ba bulezi kuli Wena ‘u alimuñwi wa bapolofita ba kale ya zuhile kwa bafu,’ mi—mi ki Wena ‘Mushe,’ kamba ‘Elia,’ kamba yomuñwi cwalo.”

Mi ali, “Ni *mi* buzize. Mina mu nahana sikamañi?”

<sup>57</sup> Mi Pitrosi ali, “Ki wena Kreste, Mwana Mulimu ya pila.”

<sup>58</sup> Mi ali, “U fuyozwi wena, mwana Jonasi; Simoni, mwana Jonasi; kakuli nama ni mali ha li si ka patulula se ku wena. Ha u si ka ituta sona mwa buka, kamba mwa tuto ya bulapeli, kamba kuzwa mwa katekisema. Wena . . . Ki Ndate, ya mwa Lihalimu, ya patuluzi se ku wena.” Ki yani mulumeli wa niti; sinulo ya

moya ya Linzwi. Mwabona? Mi kwa halimu- . . . “Wena ki wena Simoni, mi fahalimwa licwe le, la sinulo ya hao ya Yo nili Yena, Ni ka yaha Keleke ya Ka, mi minyako ya lihele haina ku I koma.” Mwabona?

Ki kabakaleo Simoni hana ize, “Ki ku mañi ko lu kaya?”

Jesu a sikuluha ni kubulela kuli, “Kana ni mina mulata kuya nji?”

<sup>59</sup> Mi se bali, “Mulena, kana ki mañi, ki kai ko luka ya? Kakuli, Wena fela unosi una ni Manzwi a Bupilo. Ki Wena fela unosi.”

<sup>60</sup> Kakuli, ha ki kuli Nana ni Manzwi a Bupilo fela, Nali yena Linzwi la Bupilo. Mwabona, Nali Linzwi la Bupilo, mi Simoni na lemuhile taba ye hande. Mi ha na i lemuhile, sani kona sene si sweli mayemo a hae, kakuli ne li patuluzwi ku yena kuli Yani nali yena Linzwi tenyene.

<sup>61</sup> Cwale, yani ki mulumeli wa niti, mi Moya o Kenile; isiñi ku hapelezwa ki mutu usili, isiñi ka sika si sili fela. Kono cwale Moya o Kenile ha upatuluzi ku wena Linzwi Kasibili, mi ubona Linzwi ha li tiswa patalaza, ku pakiwa; konakuli Moya wa Mulimu utaha ku to kena mwa lusika loo, kwa Linzwi la lusika lwani, ni ku li bonahalisa.

<sup>62</sup> Kana mutu na ka palelwa cwani kulumela Luther haiba na ziba zani? Luther nali muongaongi. Moya wa muuna yani no patalaza za kuonga-onga. Wesley, neli nto yeswana. Neba na ni ku lumela. Mwabona, lani neli lona—lani neli lona liñusa lwa lusika lwa keleke yani. Sani neli sona luli sene si ezahalile ona cwalo. Sani kona sene si lukela kunga sibaka. Ne muna ni ku si lumela.

<sup>63</sup> Mi ki luna ba fa, lu fitile kwa Lusika lwa Laodesia. Mi lu lutilwe, mwa Lusika lwa Laodesia, kuli Kreste na lelekezwi kwande a keleke ya Hae; mi mane na sweli ku ngongota fa sikwalo, inza lika kukutela mwahali. Kacwalo ha lu bona sani ha si ezahala, lu ziba lusika lo lupila ku lona.

<sup>64</sup> Mi, cwale, lu kwa kukwala kwa litaba za kale za lifasi. Buka cwale se i fela. Mubamba wa mafelelezo uka ñolwa fateni zazi leliñwi, mi ika kwaliwa, mi nako ikabe i felile.

<sup>65</sup> Mi ki yani papali yetuna itomilwe. Ni Mangeloi a yemi mwa mbyumbyulu, a talimezi. Mwa ziba seo papali ili sona. Babapali ba itukisize. Mwa ba bona ha basweli ku bapala.

<sup>66</sup> Mwabona bumaswe bo a sweli kuezwa alimuñwi. Mwabona businyi bwa, mo atezi mwa sibaka ni butali bwa hae, ku to puma.

<sup>67</sup> Kono hape mwabona Keleke ye ngilwe ha i tukisa ili Yona. Ki pono yetuna. Mwabona Pata ya Mulimu ha ipaka ni kuezwa papali yetuna ye bulezwi kale mwa Bibebe mo, kuli isweli ku ezahala ona cwalo. Ha ki nako ni yeo mwa pila, ki nako ye kanya hahulu! Mutu wa mwahala masika kaufela unyolezwi kuba mwa nako ye.

Bapolofita ba kale ne ba nyolezwi kubona hola ye, kono ne ba sina lithonolo leo.

<sup>68</sup> Cwale, yani neli mulumeli fani. Kakuli, na li boni. Na li lumezi. “Luna lwa kolwa hande kuli ki Wena Kreste, yena Mesia, Linzwi la Mulimu la lizazi le, mi lwa lumela cwalo.” Mwabona, yani neli mulumeli wa niti.

<sup>69</sup> Ha lu ngeni fela balumeli nyana babañwi, kapili fela, lu si ka ya kale ku mutu ya tatama. Ha lu ngeni mupolofita, Nuwe. Kakuli yena, mwendi kakuba mulimi, mwendi nali mwa mazazi ani, ali fela njimi. Kono cwale basomi ni ba za bulapeli bwa lizazi lani . . . Keleke neikeni mwa buliba bo bu sika tunga, mi Mulimu abulela ku Nuwe, ni ku bulelela Nuwe kuli na lukela kuyaha areka. Nuwe na si ka kananisana ni Mulimu ka zeo. Na Li lumezi, kuli lani Neli Linzwi la Mulimu, mi aya ku yo sebeza kapili ni ku lukisa lika.

<sup>70</sup> Yani ki yena mulumeli wa niti. Ha li kananisi. Ha mu se mu ikolwisize hande, zeo ki zona. Kuswana fela sina mutu ufi kaufela, tumelo kaufela, ni hakuli cwalo. “Tumelo itaha ka kuutwa.” Haiba mukona kuyema fa, hakuna taba kamba dokota ubulela sikamañi ni wena! Fela, muuna yani ukufa mubonelo wa litaba, mi kaniti wa ziba luli za bulelela ka zona, kuya ka lipimiso za hae ni zibo lika mu lumeleza ku ziba, kono ubulela kuli hakuna ze siyezi kwanda lifu. Kono, u lapele, mi ha uyema fahule nyana kwapili wakona kubona muuna kamba musali ya i ketile inza yemi fani. Eeni, kona cwalo. Mi zeo ki zona fela. Mu ka zamaya kukena ku zona mane inge sika sifi kaufela, kakuli mwa li lumela. Mulimu na li bulezi. Mu ziba kuli ku cwalo.

<sup>71</sup> Inge musali yomunyinyani ya sweli kuhotola sihotolwa sa kansa, mwabona. Nekusina ku kakanya mwa munahano wa hae, sani ne si ka ezahala. Kansa ne ishwiile, mi ya tamuluha, mi ona cwalo ya ikela. Mwabona? Kona cwalo. Mwa i lumela.

<sup>72</sup> Sina ndate yani ya na tisize mushimani wa hae yomunyinyani, fa nako nyana yefitile, mwahali mwani. Mi uteni mwa muyaho mo kokuñwi cwale. Mushimani yomunyinyani yani na wile, mi a latehelwa ki munahano wa hae. Na sa hupuli sika kaufela. Mwa mizuzu yelikani fela, kasamulaho wa tapelo, Ni mu buzize libizo la hae. A ni bulelela, ni kuli na kuma kai, mi nali fela hande sina mushimani kaufela ya i ketile mwakona kubela. Mwabona? Ba lumela. Mi cwale Mulimu ha bulelela sika sifi kaufela, si lukela kuba ona cwalo.

Mi Nuwe na lumela ku Mulimu, ni Nuwe na talimwa kuli ki mulumeli.

<sup>73</sup> Daniele, mi keleke hane ili mwa butanga mwa Babilona, Daniele na lumela ku Mulimu. Mi hakuna taba ka ze ba bulelela, “Luka ba ni pulelo ye. Habana kulapela ku mulimu usili fela kono ki kwa siswaniso se kwande kwani,” sa muuna ya kenile yo, kamba kaufela sakona kuba sona. Daniele na si ka iseza ngana

ku zeo. Na utwile Mulimu, kakuli nali mupolofita, mi Linzwi la taha ku yena. Mi cwale tempele hane i neezwi, ne ku izwe, “Haiba mutu kaufela u mwa butata mwa naha ifi kaufela, ni ku talimela neku le kwa sibaka sesi kenile, ni kulapela, mi u utwe uli mwa Lihalimu.” Mi Daniele na lumezi ku Mulimu. Nali mulumeli wa niti, mi mane nihaiba litau ne li si ka muca. Mi yeo ki niti, mwabona, nali mulumeli. Nana ni sika sa niti mi sa luli. Nali mulumeli.

Davida, mulumeli yomuñwi, mushimani yomuñwi ya zwile mwa nzila cwalo.

<sup>74</sup> Daniele na sika nga sibaka ni keleke ya kacenu, mane nihaiba Nuwe na si ka nga sibaka hamoho ni keleke ya kacenu. Batili kutokwa. Nebali balumeli ku sa na bulezi Mulimu kuli kona Niti. Hakuna taba kamba lifasi la kacenu ne li bulezi sikamañi, ne ba lumezi sa na bulezi Mulimu kuli kona Niti. Bani ki balumeli ba niti.

<sup>75</sup> Kuswana fela sina Pitrosi mwa na ezelize, ni ba apositola, ne ba lumela kuli Na nani Linzwi la Bupilo mi nali yena Linzwi la Bupilo. Ni lumela lika ze swana ni kacenu. Mi ni lika zeñwi kaufela ze shutana ku Lona ki ze lwanisa, ha ki, ki lifu. *Le* linosi fela kona Linzwi la Bupilo, mi Kreste ki yena Linzwi.

<sup>76</sup> Cwale, Davida, mutangana yo mufubelu. Sibaka sapili, na ngilwe fela ka mizwale ya habo, kakuli nali fela mutu wa mwanana. Na si yomutuna kuli a nanule silwaniso. Na sa koni kuya kwa ndwa, mi nali mwanana hahulu mi yo musisani. Mi, niteni, a zwela kwande kwani, sina mulumeli.

<sup>77</sup> Mi hana ilo ina mwa lihalaupa (hana tokomela fela—fela lingu ze twelufu za na mufile ndatahe kuli a babalele, ni kafwililo, mwa mushitu mo kuna ni litau ni libere ni litongwani, ni zeñwi cwalo), Davida akala ku talimela fa bucwani bo butala ni macacani, mi a ziba ze ne li talusa kwa ngu hane ika ina mwa muluti, ni kuina mwa kucisa kwa lizazi; na zibile bunde, bwa mezi a bata sa na talusa, sina hana ize kuli, “Sina tolo ha inyolelwa mezi a mwa kasa, moyo wa ka u nyolezwi Wena, O Mulimu.” Mwabona? Na lilile, kulapela.

<sup>78</sup> Mi zazi leliñwi kwa zuha nyungano, tau ya swala iliñwi ya lingu za hae, ni kuimatisa. A hupula kuli, “Yena Mulimu yana ni file mata a kukoma tau!” Mwabona? Mi ki hanga kafwililo ni ku nata tau mane ku wiseza fafasi, ni licwe leli nyinyani mwa kafwililo. Cwale, haiba mutu akile abona fateni tau, yeñwi ya litau za mwa Africa zani, litau zetuna luli zena ni bulizi mwa mulala ze ba nani kwani kwa Palestine ni Asia, na ka ziba seo lifolofolo zani lili zona. Mi, tobolo yetuna ya buima bo bueza mianda yemilalu ha i koni ku iwiseza fafasi, kono yena na iwisize fafasi ka licwe. Mi cwale tau ha izuha ku mu totomokela, aiswala kwa toho ni ku i bulaya. Lani kona libaka ha na zibile

sa na bulela; nana ni kutwisiso. Na beile Mulimu fa muliko, ka Linzwi la Hae.

<sup>79</sup> Mi na—na sa sabi Goliati, kakuli, na si ka kena mwa mupato. Na si mulumeli, ni hanyinyani; mi cwale Goliati ha zwela kwani ni ku to mu kuta ka libizo la milimu ya hae.

<sup>80</sup> Mi Goliati, yomutuna hahulu kufita mwa na inezi; neli mutangana yomutuna, minwana ne ilikana mainci a fotini yana nani. Cwale, minwana neli yemitelele *cwana*, mwabona, minwana mainci a fotini, neli mulwani. Mi mane mwendi ni sapalo sa balwali ba mañolo sana apezzi, hakulata ne si likana lipaundi ze mianda yemilalu, kamba kufitelela, mwabona, sa na tinile. Kuwani ya lindwa, ni sesituna sa . . . ni sepa kuli bukima bwa sipi yateni neli inci ni hafu. Ngangalume tuna ya cwalo, inza zamaya ni—ni sweta yekona ku likana liñokolwa ze mashumi amabeli. Nana ni muwayo o likana liñokolwa ze mashumi amabeli mwa lizoho la hae. Cwale kana kuna ni yomukana . . . Muuna ya cwalo ukona fela ku nanula hamoho baana ba twelufu mwa nako iliñwi, ni ku ba yumbela kwale sina *cwalo*, haba kona ku mutela. Ha ki shutano ni yeo!

<sup>81</sup> Mi ki yani nali fani, inza yemi fani, inza sweli ku itumba, kuinuneka. Mi ba . . . kwa bonahala kuli baika ne ba saba, mwa bona, ki hali, “Halu . . . Tokwi kuba ku sulula mali.” Ali, “Halu tuheleñi kuli muuna alimuñwi ato ni lwanisa, mi cwale haiba ni koma, kona mina kaufela mu ka ni sebeleza; mi cwale haiba—haiba—haiba mu koma, kipeto lu ka mi sebeleza.” Mwabona, diabulosi ha hupula kuli una ni mata fa halimwa mina, mwabona, fani kona fa latela ku inunekanga. Kono na katani muuna usili. Na katani muuna yomunyinyani hahulu mwa naha, yomunyinyani, wa maheta a colomokile, mutangana ya bonahala bu fubelu.

<sup>82</sup> Mi ali, “Kana muni bulelela kuli mina, ba—ba mpi ya Mulimu yapila, mukona ku tuhelela Mufilisita ya si ka kena mupato yo anyefule mpi ya Mulimu yapila?” Kiñi, na komokile ka zona! Kiñi? Kiñi? Nali mulumeli. Babañwi nebali balikanyisi ba kulumela. Mwabona? Mwabona, nali mulumeli wa luli. Na ize, “Haiba mwa saba, Na ni yo mulwanisa.” Mwabona? Ha ki bukiti ni boo ku mushimani yomunyinyani sina cwalo! Mi kacwalo nali mulumeli, mi na ezize ona cwalo luli sa na zibile kuli Mulimu na ka si eza. Ki . . .

<sup>83</sup> Mi cwale Mufilisita ya na si ka kena mupato yani ki ha mulwaha ka libizo la milimu ya hae, mi ali, “Kikuli Na ni nja; kanana ka kanyinyani kaka fokozi cwalo? Kiñi,” ali, “Ni ka ku nanulela kwa mafehelezo a muwayo waka, mi Ni ka ku pahaka kwa kota kuli linyunywani lice nama ya hao.” Oh, mawi! Oh, nali mutu ya sabisa cwani!

<sup>84</sup> Davida ali, “U ni katanyeza ni lilumo ni mukwale, ni lilwaniso. U ni katanyeza ka libizo la Mufilisita. Kono, Ni ku

katanyeza kusina mukwale kamba muwayo, nihaiba lilwaniso, kono Ni ku katanyeza ka Libizo la Mulena Mulimu wa Isilaele.”

<sup>85</sup> Ki fo he cwale. Yani ki yena mulumeli. Ani kona masabelo a hae. Yani kona tebe ya hae. Yani kona silelezo ya hae. Amen! Yeo i lukela kuba silelezo ya Keleke. Mulumeli kaufela, Yeo kona silelezo ya hae. Hakuna taba kamba ku ezahala sikamañi, se libulela lifasi, sika sifi kaufela, silelezo ya hao ki Mulena Mulimu wa Isilaele. Zeo ki zona. “Libizo la Jesu Krete ki tawala yemata, ya lukile umatela ku lona mi ufumana buiketo.” Yeo kona silelezo ya luna, ki Jesu Krete.

<sup>86</sup> Mulemuhe, mi cwale ha li to ezahala, lwa ziba sene si ezahalile. Davida, na sina fa kunata kusili konji fela fa sibaka silisiñwi hana ti lo inamisa si—si—si sifateho sa hae fafasi. Sibaka silisiñwi fa kunata neli ona fa pata ya hae fani. Mi a si ka fita kale fa kaufi ni—ni ngangalume, Mulimu a zamaisa fa ku bulaela, mi a bulaya ngangalume. Mwabona? Mulimu na li ezize. Cwale, lu lemuha kuli nali mulumeli.

<sup>87</sup> Cwale, mulumeli yomuñwi neli Abrahamama, mi nali wa . . . ba muleneñi wa Makalade mwa Uri. Mi na bizizwe kuli aeze nto yeñwi yeneli. . . mi a lumela sika sene si sa konahali, kuya ka nama. “Kono na si ka sitatala fa sepiso ya Mulimu ka ku sa lumela,” ki mo i bulelela Maroma 4, “kono na tiile, inza fa milumbeko ku Mulimu.”

<sup>88</sup> Mi Abrahamama nana ni myaha ye mashumi a supile ni ye ketalizoho ya kupepwa, mi musala hae nana ni myaha ye mashumi a silezi ni a ze ketalizoho, mi neba pila hamoho kukala kwa bunca bwa bona. Nali kezela hae neku leliñwi; mushimani yomunyinyani ni musizana yomunyinyani. Mi yani neli, kuli ne ba pila hamoho, kusina mwana nihaiba alimuñwi. Mi Mulimu a bulelela Abrahamama ali, “Ikauhanye ku baba sa lumeli.” Mulimu kamita wa bizanga kuzwa, ku kauhana. “Ikauhanye ku baba sa lumeli mi u zamaye ni Na, mi Ni ku ezize ndatahe macaba amañata. Ni ezize kale zeo.”

<sup>89</sup> Mi Abrahamama a li lumela. Yani ki mulumeli. “Kana uka eza cwani zeo, Mulimu?” na si ka buza puzo. Mulimu na bulezi kuli Na ka si eza, mi ani neli mafelelezo.

<sup>90</sup> Mi kweli yapili ha ne ifelile, ni Sarah na sali . . . Na sa fitelezi nako ya kupepa. “Sika kaufela se si shutana?”

“Hakuna nihaiba sika.”

<sup>91</sup> Kono Abrahamama niteni na sa lumela. Lilimo ze mashumi amabeli ka ze ketalizoho kasamulaho, nekusina shutano niteni, kono Abrahamama ni cwalo na sa lumela. Yani ki yena mulumeli. Yani ha ki mulikanyisi wa kulumela. Yani ki mulumeli. Lilimo ze mashumi amabeli ka ze ketalizoho kasamulaho, Abrahamama na sa tiile kufita mwa na bezi ka nako yapili. “Na lumela ku Mulimu, mi a balelwa kuli neli kuluka ku yena.” Kakuli yena kakuba- . . . Yani ki yena mulumeli wa niti.

92 Cwale, kasamulaho nyana Ni ka mi tuhela kuli mu batisise mi mubone sikwata se mufumaneha ku sona.

93 Cwale ki sikamañi sa na ezize Abrahama? “Na si ka kakanya fa sepeso ya Mulimu,” ka ze sa konahali.

94 Ki sikamañi sa na ka eza muuna wa lilimo ze mashumi amabeli ka ze ketalizoho za kupepwa, ni musala hae wa lilimo ze mashumi a silezi ni ze ketalizoho, sa na ka eza, hane ba ka ya ku dokota ni ku yo li, “Lu bata kueza buitukiso, bwa sipatela. Lu kaba ni mbututu?” Mi cwale, lilimo ze mashumi amabeli ka ze ketalizoho, ali, “Dok, u sa kwaluzi sipatela sa hao?” Mwabona? Mwabona?

95 Li mi eza kuba mwa lisheha. Buiketelo bwa mina bu ipitezi, kwa lifasi. Kono ki mulumeli, hakuna taba kamba bu bonahala cwani bo bunca. Bibeles ibulezi, kuli, “Na ikolwisisa luli ka kutala kuli Mulimu na kona kupeta sa Na bulezi kuli Uka eza.”

96 Sani si lukela kuba sa ipumanela mulumeli kaufela musihali cwana. Mulimu wakona kubuluka Linzwi kaufela la Na bulezi kuli Uka li eza. Hanina taba kamba likopano libulela sikamañi, mafasi, “Lizazi la limakazo lifelile, mi se kaufela ki butali fela bwa ngana ni zeñwi, ki bulauli. Ki. . .” Hakuna taba ku na ka se ba bulela. Ni sa lumela. Haiba tobolo yani inongile hande fo i supile, ika nata fo inongile. Mi Ni lumela kuli haiba mulumeli u nongile hande ni Linzwi la Mulimu, si ka nata fa sika fo kuswana. Haiba Linzwi la Mulimu kona le li sepesize cwalo, li ka eza cwalo hape. Na ikolwisisa luli ka seo. Kuli, ha lubona kuli mwa lusika lo haku lukela kuba cwalo fa, li lukela kuba ona fa. Lika ze li lukela kunga sibaka.

97 Leo kona libaka ha Ni lumela kuli Munyaliwa yani ha sa bizizwe ni kuketwa, ni ku beiwa mwa Buka ya Bupilo, ku kataha muhuwo kwa Lihalimu o ka nga kolobezo yecwalo ya Moya o Kenile ku Munyaliwa yani wo ka Mu zusa mwa lifasi, mwa kanya ya Kuungelwa. Mulimu na sepesize. Hakuna taba ka sayansi ye kai, ni kuli ki babakai baba ka fita fa kweli baba inolisize, ni lika zeñwi kaufela, ni kuli ki limaili ze eza ma milioni amakai ze ba kona kubona; Hanina taba ka zeo. Kuna ni Lihalimu, mi kuna ni Jesu Krete tenyene Kwani yaka taha mwa mubili ku to amuhela Keleke ya Hae ku Yena. Hakuna taba kamba likande leo li bonahala cwani la kale, isali Niti. Mulimu na bulezi cwalo. Sani—sani kona se ba lumela balumeli.

98 Mulimu naize, “Kina Mulena ya folisa matuku a hao kaufela. Kina Mulimu mi ha Ni cinci.” Amen! Mi Mulimu ki Linzwi. Mi haiba Mulimu ha cinci, konakuli Linzwi li ka cinca cwani? Mwabona? “Kina Mulimu, mi ha Ni cinci.” Mañolo kona abulela cwalo. Mulimu na bulezi cwalo, Yena kasibili. Mi haiba Hakoni kucinca, konakuli ki Yena Linzwi. “Kwa simuluho nekuna ni Linzwi, mi Linzwi nali ni Mulimu, mi Linzwi nali Mulimu.” Lona

Linzwi le li sa cinci! “Mi Linzwi la ezwa nama, mi la to yaha ku luna.” Amen! Eeni, sha.

<sup>99</sup> Mulimu na zuzise mibili, ku kalela kafoo ku; Mushe, ni Ezekiele, ni Jeremia, ni Isaya, ni Elia, ku shetumuka cwalo, koo Linzwi la Hae ne litile ka swalelele. Kono Linzwi ka kutala ne li bonahalezi ku Muuna yo Jesu Kreste. Ili, Yena ya nali Mulimu mwa—Mulimu mwa mutalelela wa toho ya Bumulimu ka mubili. Mwani kona mwa Na bonahalezi. Na lumela cwalo, Linzwi kaufela.

Jobo, mulumeli yomuñwi.

<sup>100</sup> Linako zeñwi, balumeli ba beiwanga fa muliko. Isiñi linako zeñwi; linako kaufela! “Kakuli mwana kaufela ya taha ku Mulimu una ni ku shapiwa pili, a likiwe, kalimelo ya mwana.” Muhupule, miliko, linzila za maluli, lizazi le licisa la maswenyeho, kono a itukisa kukena mwa sibupeho. Bana ba Mulimu ba bupilwe hande fa Linzwi la Hae, kakuli ki mitala ye pila, mi Linzwi la Mulimu li pila ku bona. Mwabona? Miliko itahanga ku to mi nyunga, ku to mibeya mwatasi luli, kubona fo mu ka yema. Ba likiwa, kulika mwana kaufela ya taha ku Mulimu.

<sup>101</sup> Jobo na fitile mwa miliko ni litatubo. Bana ba hae neba ngilwe; lika zeñwi kaufela ne li ngilwe. Ma membala ba keleke ba taha, ba mu tameleza kuli nali muezalibi wa kwa mukunda, ni kulika kubulela lika kaufela za ku mu lwanisa, kono niteni na si ka teezeza ku zeñwi za zona. Na zibile kuli na katani za na tokwa Mulimu. Na bonisize kuli nekusina tuso ya kuli Satani a mulike. Na zibile kuli neli diabulosi. Mi haibile fela Satani ukona ku mueza kulumela kuli butuku bwa hae neli Mulimu wa hae ya na eza cwalo, na mu shapile Jobo. Kono cwale Jobo hana fitile fa sinulo yani, kuli yani ne si Mulimu! Fela na sweli kufita mwa matata a hae kuli amu eze sika sesiñwi. Ne si Mulimu ya na sweli kueza cwalo. Neli Satani ya na eza sani.

<sup>102</sup> Mi ki nto yeswana ni kacenu. Uka lika ku mi bulelela matata a ni lika zeo kuli ki Mulimu ya lika ku beya koto ku mina. Ha ki cwalo. Batili, sha. Ki Satani ya sweli kueza cwalo, mi Mulimu wa si lumeleza, ku mi filikanya; ku mi eza kuli mubone haiba—haiba mu tamilwe fa lifasi le, ka lipilaelo za lifasi, kamba haiba sifumu sa mina si mwa Lihalimu. “Kakuli kaufela ko ku inzi sifumu sa mina, ki fo he cwale hape.” Yeo ki niti. Pilu ya mina kona ko kuna ni sifumu sa mina.

<sup>103</sup> Jobo, ku likiwa, kono yena ali, “Na ziba kuli Muliululi wa ka wa pila; kwa mazazi a maungulo Uka yema fa lifasi. Ni ha likokwani za litalo le li ka sinye mubili wa ka . . .”

<sup>104</sup> Kikuli mu lemuhile? Likokwani za mwa mubili nelili kale ku yena. Likokwani za mwa mubili li fumaneha kale ku mina. Mupila mwa likwati le li kwahezwi le li sina moya ku lona, kamba kusi cwalo, kono likokwani za mwa mubili liteni kale



mwatani. Liteni kale ku mina, mi li libelezi kutaha fa musebezi ka nako ifi kaufela. Muhupule Sizare, na kenezwi ki litombo isali mwa mukwakwa. Likokwani za mubili za muca, ona mwa mukwakwa wani, likokwani za hae wa hae luli. Liteni ona mwani, kale.

<sup>105</sup> “Ni ha likokwani za mubili wa ka lika sinya mubili wo, kono ki mona mwa mubili wa ka mo Ni ka bona Mulimu.” Amen! Hamukoni ku u yundisa. Ni ha likokwani za mubili wa ka lika sinya mubili, niteni uka kuta hape. “Yo Ni ka iponela ilina. Meeto aka aka bona, mi isiñi usili.” Na bulezi cwalo, Jobo. Kiñi? Nali mulumeli. Mwa miliko nali mulumeli. Mwa manyando, nali mulumeli. Nali mulumeli wa niti.

<sup>106</sup> Josefa, mulumeli yomuñwi, na sakoni kuicanganisa ku sa nali sona. Nali mupolofita. Mulimu na mu bupile kuba mupolofita. Na sa lati kushutana kwa mizwale ya hae, kono na shutana. Mulimu na mu ezize kuba sa nali sona. Hakuna yana kona kunga sibaka sa hae.

<sup>107</sup> Hakuna mutu yakona kunga sibaka sa hao, hakuna taba kamba u mwanana cwani. Mu li, “Na ni musali fela ya nyezwi.” Hakuna mutu yakona kunga sibaka sa hao. Mulimu, mwa bufumu bwa Hae bo butuna, una ni ku lumeleza cwalo, Mubili wa Kreste, mwa sikuka, kufitela kutokwa ni yomukana yakona kunga sibaka sa hao. Mo Ni latela kunga sibaka sa Billy Graham, yomuñwi wa luna bakutazi, kono halukoni kueza cwalo; kono, muhupule fela, Billy hakoni kunga sibaka sa luna. Mwabona, kaufela luna lu nani sibaka, babañwi ba luna lu babuleli, babañwi ki bapolofita, babañwi ki baluti, babañwi ki balisana, kaufela se luli sona; babañwi ki ba fumahali mwa mandu, babañwi ki bo mapangapanga, babañwi ki linjimi, seo kaufela sili sona, Mulimu u mi beile mwa sibaka sa mina. Mwabona?

<sup>108</sup> Josefa nali mupolofita. Na sa icanganisi kuli a tuhele ku tolokanga litolo. Na sa icanganisi kuli asike a bonanga lipono. Mutalime mwa na bezi ya sepahala. Hakuna taba kamba ne li ka mu kauhanya ni kutwano ni mizwale ba habo yena, nali ya sepahala, kakuli na lumela mwa litolo zani. Na lumela ona cwalo, tolo yana nani, ya kuli kaufela bona ne ba ka kubama fapila hae, mañata na ka ba cwalo. Ne li tilo ezahala ha na li lumezi. Nali mulumeli ya sepahala. Kuli . . .

<sup>109</sup> Nina ni mizuzu ye ketalizoho; ni mapampili a lishumi, mulemuhe cwale, mulemuhe, ka Mañolo a ñozwi fa. Musali . . .

<sup>110</sup> Natanaele, nali mulumeli. Kana ki niti yeo? Natanaele, hana boni sene si ezahalile; mi sa beleka ku yena, kuli Jesu na mu bulelezi yo nali yena, mi ali nali mu—nali “mu Isilaele wa niti,” mi ne “kusina nyoko” ku yena, ni ku mu bulelela kwa na inzi zazi lene li fitile kwa mulaho, “hana lapela mwatasa kota.” A mu bona fani—fani Filipi a si ka mu biza kale. Nali mulumeli.

<sup>111</sup> Kuna ni babañata baba yemi, babali, “Wo ki moya wa diabulosi. Diabulosi u eza foliso ya Bumulumu.” Yena diabulosi wa kale yani ha si ka shwa kale kacenu. Ba lumela kuli diabulosi u eza foliso ya Bumulumu.

<sup>112</sup> Jesu naize, “Haiba Satani wakona ku leleka Satani, konakuli mubuso wa hae u kauhani, mi mubuso o cwalo haukoni ku yema.” Mwabona? Satani naize, mwa . . . Hakoni kueza cwalo. Kacwalo, Satani hakoni ku leleka Satani.

<sup>113</sup> Kacwalo Natanaele nali mulumeli. Mi ha na boni Linzwi ha li ezwa nama, na pakilwe kuli nali mulumeli, naize kuli, “Ki wena . . . Rabbi, Ki wena Kreste. Ki wena Mulena wa Isilaele.” Na lumezi cwalo.

<sup>114</sup> Cwale musali fa lisima hana boni sani, na lumezi. Ki mulumeli.

Cwale Bartimeasi wa sibofu . . . Fani musali hana tile . . .

<sup>115</sup> Mañi ni mañi na sweli kuhuwa, inge ba sweli katata. Babañwi ba bona neba bulela kuli, “Kuna ni buñata . . . Ni utwa kuli U zusa bafu wena. Ki ani mabita amatuna atezi buñata bwa bona kwanu; taha u to ba zusa. Halu Ku bone ha u eza cwalo.” Mwabona, yena diabulosi ya swana yani na bulezi kuli, “Haiba ki Wena Mwana Mulimu, laela macwe aa kuli afetuha buhobe.” Ki yena yana beile lisila fa meto a Hae, ba Mu nata kwa toho, bali . . . ba fitisa kota, yomuñwi ku yomuñwi, bali, “Cwale, haiba U ka lu bulelela ya Ku natile, luka Ku lumela.” Masole bani, mwabona, ku Mu eza lisheha. Ne ku bonahala kuli buino bwa likute ne bu felile ku Yena.

<sup>116</sup> Kono muhupule fela, Mulimu kamita ubanga mwa sibaka. Mwabona? Uteni kale fani, ka nako kaufela.

<sup>117</sup> Cwale Jesu naize, “Ne ni ka bulela ku Ndate Luli kapili mi Na ka Ni lumela limpi za Mangeloi.” Oh, ki sikamañi se ne li ka eza Lingeloi lililiñwi? Mwabona? Kono, mwa bona, kono Na ka luma limpi ze lishumi ka zepeli ha Na ka laela fela. Kono Nana ni musebezi. Nana ni sika sa kueza. Nana ni kufita ku zani.

<sup>118</sup> Muna ni sika sa kueza. Mulimu una ni sesiñwi sa kueza. Mwakona kuba ni kukula pilu kamba matata amañwi cwalo, mwakona kuba ni ku swabiswa kokuñwi, kono kana lu lapela kuli lu li tibeke nji? Batili. “Mulena, u ni kenye ku zona, kaufela seo lili zona. Seo kaufela sili sona, usike wa tuhelela kuli ni li picuka. Haiba li beezwi na, uni fe fela muhau wa kufita ku zona. Ku felile.”

<sup>119</sup> Cwale mulemuhe, Bartimeasi wa sibofu, na ziba cwalo. Ba bulelelwa kuli, “Yo ki yena Mupolofita yani wa kwa Galilea. Ki yena Mwana Davida. Lwa lumela cwalo.” Babañwi ba balumeli hakulata ne ba mu bulelela cwalo. “Luna balumeli lwa ziba kuli ki Yena . . . Mwana Davida.”

120 Mi na zibile, haiba Nali yena, Nali yena Linzwi. Mi haiba na zibile kuli Nali yena Linzwi, na zibile kuli Na ka lemuha milelo ya mwa pilu, kacwalo a huwa ali, “Wena Mwana Davida, uni utwele butuku.” Balumeli kona bene basweli ku huwaka *se*, ni *sani*, ma membala ba keleke. Zani ne li sika tuhelisa Bartimeasi wa sibofu ni hanyinyani. Mi ali, “O Jesu, Wena Mwana Davida, uni utwele butuku!”

121 Mwendu Na si ka muutwa. Kono Na zibile kuli na sweli kuhuwa, mi ki Ha yema ni kutalima kafa ni kafa. Yani neli mulumeli. Naize kuli, “Tumelo ya hao iku pilisize.” Amen.

122 Na bulezi sani ku musali wa butata bwa mweya, ki nto yeswana, “Tumelo ya hao.”

123 Kakuli, abulela mwa pilu ya hae, “Haiba Ni kona fela kuswala fela sapalo sa Hae, Ni ka ba hande.”

“Tumelo ya hao iku pilisize.” Mwabona, nali mulumeli.

124 Yani kona nto yeswana yene pilisize ni William Dauch, ya inzi fani, zazi leliñwi, ni butuku bwa pilu habutu luli, ni ku taseswa kwa pilu, muuna wa lilimo ze nainte wani za kupepwa. “Tumelo ya hao iku pilisize.” Kiñi? Ki Mulumeli.

125 Revurendi Tom Kidd kwanu, nihaiba kukena mwa... bukaufi, Na sepa, wa myaha ye nainte ya kupepwa cwale, wa kale, bukaufi cwalo. Mi cwale ha na sali wa myaha ye sebente ya kupepwa, neba mutisize kwa sipatela ni kansa ya mwa sinya. Dokota naize kuli, “Hana sibaka.”

126 Kono cwale hane lu zamaya kakusasana wani, lwa bona mupatriareka yomunyinyani yani ni taulo fa liheta la hae, ali kuina fani, inza kunata kakota ka kanyinyani, na bata kulyangana. A bulelela musali muhulu yana inzi fani, a biza bo kuku a hae ba basali; ne ba mu ziba, alimuñwi wa ma membala ba hae mwahala lilimo. Ali, “U bonahala busweu limbi twaa sina litwa,” na sa nahani hande.

127 Ibo, kanti Mata a Mulimu hana keni mwa sibaka, wa pila busihu bo. Seli myaha yemine kwa mulaho. Muuna ya nali bukaufi ni lilimo ze eite za kupepwa, mi ki yo mo busihu bo, handende uiketile mane u folile, kwa kansa. Mwabona, isiñi ya likanyisa kulumela; ki mulumeli! Yani ki yena, wa lumela! Unga Mulimu ka Linzwi la Hae.

128 Ka kuswana fela sina Bartimeasi wa sibofu mwa na bezi. Sibofu, kono niteni na zibile, haiba na ka kona kuhoha ngana ya Jesu Kreste, na ka amuhela sa na bata.

129 Musali na zibile, haiba na ka swala fela kwa mungundo wa sapalo sa Hae, na ka ikungela sa na bata—na ka amuhela sa na bata.

130 Tom na zibile. Nana ni tumelo, haiba Ni ka mu lapelela, na ka ikungela sa na bata.

<sup>131</sup> Kana yani ha ki yona tumelo yeswana yana bulezi Mareta kuli, “Nihaiba cwale, Mulena, kaufela So ka kupa ku Mulimu, Mulimu uka Ku ezeza sona; kezela ka ulobezi kulo kwani, ushwile, mazazi amane mwa libita; kono U kupe fela Mulimu, mi Mulimu uka Ku ezeza sona?”

Ali, “Kezela hao uka zuha hape.”

<sup>132</sup> Mi musali ali, “Eeni, Mulena, mwa mazazi a mafelelezo, kwa zuho, uka zuha. Na li mushimani yomunde.”

Ki hali, “Kono Ki na zuho ni Bupilo!”

“Eeni, Mulena, Na lumela cwalo, hape.”

“Kikai ko mumu bulukile?” Ki cona. Ku felile. Eeni, sha.

<sup>133</sup> Mulena wa musali wa kwa Mboela na tile mwa lusika lwa baba sa lumeli lwani, yeo ki niti, mi a yema fani ni kulumela sa na boni ku Mulimu. Bibebe ibulezi kuli, “Uka zuha mwa lizazi la mafelelezo, ni lusika lolutuna lwani, ni ku to lu nyaza, kakuli na zwile kwa libaka za kwahule za lifasi ku to utwa butali bwa Solomoni.”

<sup>134</sup> Mushe nali mulumeli. Ni ha na likile ka ngana ya butu, na likile mikwa kaufela ya na kona, kono ne li si ka beleka. Na likile kunga Isilaele kwande, na zibile kuli na bizelizwe kueza sani. Na likile ka nzila ya bu caziba bwa lipalo. Na likile ka mukwa wa busole. Na likile ka mukwa wa tuto. Na likile ka mikwa kaufela, kono ko i si ka beleka. Kono he na ngile nzila ya Mulimu.

<sup>135</sup> Ki sikamañi sene si ezahalile? Nekuna ni Mulilo fa sicacani fani, zazi leliñwi, sani ne si ka zwa. Kuzwa fani Linzwi la bulela ku yena, mi lali, “KI NA.” Isiñi, “Ne ni liteni,” kamba, “Ni ka bateni.” “KI NA.” Mi Usali yena yali “KI NA.” Ki yena Linzwi, wa Kuyakuile, Linzwi la kamita.

<sup>136</sup> Mushe na si ka kakanya. Matata ana mu lwanisa, mikwa kaufela yene mu lwanisa, lika kaufela ne li mu lwanisa. Kono, neli mulamu o sikami sikami mwa lizoho la hae, ayo hapa ni kukoma naha kaufela, aitibisa mwa Liwate le Lishwile kwande kwani, mi a isa Isilaele mwa naha ya sepiso. Kiñi? Na lumezi ku Mulimu. Luli. Nana ni . . .

<sup>137</sup> Yani ki yena mulumeli. Ne luka ina . . . Cwale Ni inzi licika la hola fa balumeli.

<sup>138</sup> Luna ni likwata zepeli hape. Luka akufa mwahala zona, kakuli ha ki ze butokwa, niteni. Batili.

<sup>139</sup> Cwale, sa bubeli, ki fo cwale kutaha ya sa lumeli. Ha lu buleleni ka za ya sa lumeli abe ya tatama. Ki sikamañi sa eza ya sa lumeli?

<sup>140</sup> Lu boni mulumeli (sikamañi?) wa amuhela Linzwi; nako ifi kaufela, lusika lufi kaufela, ku kalela ka foo ku Nuwe, nzila kaufela kutaha lu kambama. Lwa kona likweli ze silezi fa ancafazo ya ona foo, lu nze lutisa batu babañwi. Ba lumela.

Mulumeli hana lipuzo. Mulumeli wa Li lumela, hakuna taba kamba Li utwahala cwani kamba mutu uka bulela sikamañi ka Lona, kamba Li bonahala cwani kutatafala.

<sup>141</sup> Mulumeli wa Li lumela, ulumela (sikamañi?) ki Linzwi. Isiñi tuto ya tumelo; ki Linzwi! Isiñi kopano; ki Linzwi! Isiñi sa bulela mutu ufi kaufela; se li bulela Linzwi! Cwale, muhupule, yani ki yena mulumeli. Mulumeli ha buzangi lipuzo. Mulumeli ha bulelangi kuli, “Likona kuba cwani? Haiba Ni kona ku Li toloka!” Yani ki ya sa lumeli. Uh-huh. Ki mulumeli, wakuli, hakuna taba kamba ki Sikamañi, “Haiba Ki Linzwi, Ki lona Linzwi! Yeo ki niti.” Yani ki mulumeli.

<sup>142</sup> Cwale ya sa lumeli. Cwale lwa bona seo. . . Luka nga baba sa lumeli. Lu fumana kuli neba ezize fela hande haibile fela neba ba nata nata fa mukokoto ni ku ba biza kuli balutiwa. Haibile fela (bona) lika kaufela ne lizamaya hande, nebali fela hande. Kono cwale Mupolofita yo yene ba lumela kuli ki mupolofita, mi ne ba ziba kuli nali cwalo, yana kona ku folisa bakuli, ni zeñwi cwalo, ki sikamañi sa Na ezize? Mi cwale Niti ya luli ni kalimelo hane itile, kushutana ni ze ne ba ziba, neba si ka nga Linzwi.

<sup>143</sup> Neba ngile limakazo, mi ba li eza. Ne zwezi kwande mi ba yo leleka mioya ye maswe, ba kutaza Linzwi, kono niteni ne bali baba sa lumeli. Mateu 10, Na ba lumile kuya, bababeli ka bababeli, neli baba mashumi a supile, mi ba leleka mioya ye maswe, kuli mane Jesu a nyakalala, mi ali, “Ni boni Satani awa sina lumonyi kuzwa kwa Lihalimu.” Mwabona, neba lelekile mioya ye maswe; Judasi nali ni bona. Ki yo ya sa lumeli wa taha.

<sup>144</sup> Kono Jesu ha kala kubulela kuli Nali nto yeñwi, kuli na li Yena “zuho,” Nali yena “Bupilo.” “Ki sikamañi se mu ka bulela hamuka bona Mwana mutu ha kambamela kwa lihalimu kwa Na zwile?”

<sup>145</sup> “Cwale, Muuna yo ulika kubulela kuli U zwelela kwa Lihalimu, zani ki zetuna hahulu ku luna. Ha lukoni ku Li lumela.”

<sup>146</sup> Na ize, “Ki sikamañi seo? Nama ye mubulela za yona, hakuna se itusa. Ki Moya kona ofa bupilo.”

<sup>147</sup> Ki fo he cwale. Moya u fa bupilo kwa Linzwi. Ki Moya, isiñi tuto ya tumelo. Ki Moya, wa Moya o Kenile, kona ofa bupilo kwa Linzwi ku mina, mi liba lelipila, mi ki fo he cwale, mwa u bona. Ka tumelo mwa u bona. Mu ziba kuli ku cwalo kakuli Linzwi libulezi ona cwalo, Moya kona o fa bupilo kwa Linzwi ku mina. Ki fo he cwale.

<sup>148</sup> Cwale Na ize kuli, “Ki sikamañi se mu. . .” Mi kasamulaho lumano eza se, lu fumana kuli, baba sa lumeli, ha mu bulela sika se ba sa lumelelani ni sona, ba ka zwa ku mi siya. “Na nya ki ko ni saisi!” Oh, zani se liba zetuna hahulu, mwa lifasi kacenu. Mukalise fela kubulela sika. . .

149 Ba kopana. Na lemuhanga mwa mikopano ha ba kopananga, likwata zetuna, mi mwa yema, mukale kubulela sika. Cwale, haibile fela. . . Baka ina fela fani, inge ba buha fela, inge ba libelela. Konakuli mu sa bulela fela kuli, “Cwale, Jesu Kreste na itibahalize Iliyena kuba Mesia, kakuli Nali Mupolofita,” komoki yani se itezi, ki yeo ya zwelapili. Yomuñwi. . . mi ona cwalo ba ikela. Ki sikamañi seo? Ki baba salumeli!

150 Cwale mubulela kuli, “U sweli ku ekeza fo cwale.” Ha ni ekezi. Ni bulela ona cwalo fela mo i bulelezi Bibelega.

151 Nebali baba sa lumeli, mi ba ikela. Niha ne bali balutiwa, kono neli—neli shutana ku sene. . . Neba ize, “Se, ki mañi yakona kulumela nto ye Cwalo?” Mwabona? Neli Bafarisi ni Basaduki bene ba ikezi kusili, neba ile hamoho ni Yena.

152 Kakuli, mwabona, mi haili—mi haili za buipiteli ha li bonahala, litisanga mifuta yemilalu. Ne li ezahalile mwa Egepita. Ne li bonahalize ya sa lumeli, mulumeli, ni ya likanyisa kulumela. Ne liezize likwata zetalu zeo kaufela. Liñozwi hande kulo fa, kufitela ha lu ya fela kutundamena ona cwalo ni mwahala busihu, lu nze lu li tatulula, mo liinezi. Kai ni kai, mwa li fumana, mu kabona zetalu. Kamita kona ona cwalo, mwabona, mu ka lufumana.

153 Cwale mutalime, baba mashumi a supile ba, ne ba mu siile kakuli Ne li si ka lumelelana ni sene ba lumela kuba se si lukile.

154 Haluna nihaiba muhupulo o taha. Ki sona Sa bulezi! Mu hane minahano ya mina bañi. Mubulele fela Sa bulela. Bwani kona buipuleli bwa luli. *Buipuleli* bu talusa ku “bulela nto ye swana.” Haiba Ni bulela kuli taba ya kuli ika ezahala, Ni bulela nto yeswana ye ezahalile. Sani kona sesili buipuleli bwa niti. “Mi ki Yena Muprisita Yomutuna wa buipuleli bwa luna.” Mwabona? Kubulela nto yeswana ya na bulezi Mulimu, mwabona, sani kona se si lukisa lika, kakuli mukutela fela Linzwi la Mulimu.

155 Cwale mulemuhe, baba mashumi a supile ba ikela. Ki sikamañi sene ba ezize? Mi ba—ba ikela kusili kakuli kuti—kuti ne ba sa lumelelani. Butali bwa—bwa—bwa bona, silikani sabona—sabona sene ba nani, neli—neli sesituna hahulu. Zani neli zetuna hahulu kuli ba nahane ka zona, kuli Muuna yo ya yemi fa, kuli nali. . . Sicaba sesiñwi kaufela se si siyezi ne si lumela kuli Yani na pepezwi mwa bunyazi. “Na sina litukelo ze cwani kaufela za ku Ipiza Mulimu. Mi Nali fela mutu.” Bali, “Ha lu Ku pwacauli macwe bakeñisa misebezi yeminde Yo eza, kono lu—lu Ku pwacaula kakuli Wena, kakuba Mutu, u ikeza Wena kuba Mulimu.”

156 Mi Linzwi ne li bulezi kuli Nali yena Mulimu. “Libizo la Hae lika bizwa ‘Muelezi,’ ‘Mulena wa Kozo,’ ‘Mulimu ya Mata,’ ‘Ndate wa Kamita.’” Ona Mañolo abona luli one ba bala!

157 Mi lona lizazi luli lene ba opela mwa Lisamu, kauhanyo ya 22 ya Lisamu, “Mulimu wa Ka, Mulimu wa Ka, kiñi Ha u

Ni tokolomohile? Masapo aka kaufela a Ni talimezi.” “Hakuna nihaiba lisapo li liliñwi leli ka lobeha.” Yona pina luli yene ba kutakela kuopela mwa tempele, ki sani fani Sitabelo inge sihuwa ka Manzwi aswana ana bulezi Davida lilimo mianda ketalizoho ni yemilalu kwa mulaho, kono nebali libofu hahulu kuli ba libone.

<sup>158</sup> Mi, kacenu, yena Mulimu ya swana yana bulezi ka lusika lo uteni fa sibaka mi ueza lika ze swana za Na bulezi kuli Uka lieza, mi ki libofu hahulu kuli ba libone. Bani ki baba sa lumeli. Ba zwela kwande mi bali, “Oh, Ha ni koni kulumela litaba ze Cwalo. Nali kuba ni utwe fateni Zani mwa bupilo bwa ka!” Ha si pangi shutano ni yekana ku ze mukile mwa utwa fateni. Bibebe ibulezi kuli Li kaba faa, mi kona Linzwi la Hae.

<sup>159</sup> Ne ba si ka utwa kale ka Zani, niteni, kono Nelili fani ka mukwa o swana. Mwabona? Yani ki niti. Nebali baba sa lumeli.

<sup>160</sup> Kuswana fela sina Eva mwa na bezi, nali wa bulapeli hahulu, eeni sha, kacwalo, kono yena—yena na si ka lumela Linzwi la niti. Mi nana ni ku ikezeza bulapeli bwa hae anosi, kacwalo aikezeza matali a feiga, mwabona, kono na si ka beleka. *Bulapeli* bu talusa “sapalo.”

<sup>161</sup> Kaine na ezize lika ze swana. Kaine na si ka lumela Sani kuli neli sa niti. Na ize, “Mulimu u kenile, Mulimu u petehile, mi Mulimu ki yomunde. Kacwalo Ni ka ikungela lipalisa zeñwi, mi Ni ka nga li—li lipalisa mi Ni ka eza katala kakande, ka katuna, mi Ni—Ni ka bonisa likute la ka ku Yena. Ni ka fita ku zona, mi Ni ka kubama fapila Hae ni kulapela Mulimu yani. Mi Ni ka beya mapalisa fa katala, kakuli, mwa ziba, bo ndate ni boma neba cile ma apule cwalo, miselo yemiñwi, mwa simu ya Edeni, mi sani kona sika sene si ni tisize. Mi kacwalo, fo kikuli, Ni ka kuta, kakuli Ni ka ieza ibe yende. Mulimu hakoni kuhana muyaho waka o mutuna. Kiñi, Ni kaba muyaho omutuna wa kulapela! Ni ka uyaha ku ueza omunde hahulu mane konji ha u ka ebelelisa ngana ya Mulimu.” Satani ki yena yapila mwa bunde. Sani kona sa bulela Mañolo ona cwalo.

<sup>162</sup> Lani kona libaka, linako zeñwi, musali yomunde ki siteo sa Satani. Haiba akona fela ku mu swala, wakona ku pikuluseza baana babañata mwa lihele kufita mwa kona kuezeza ka libaka za manwelo a macwala za mwa naha. Yeo ki niti. Mwabona? Kamba, bunde, muuna yomunde yomuñwi cwalo ya sike—ya sike a yema hande mwa niti ya buuna bwa hae, mwabona, hape, wakona ku kasheza basali ku diabulosi, ni ku ba lumela kwa lihele. Eeni, sha.

<sup>163</sup> Mulemuhe, Satani upila mwa bunde. Ki kabakalañi hana likile kueza sani kwa simuluho? Ku eza mubuso omunde hahulu kufita wani wa Mikaele mone uinezi; a tutela kwa Mutulo, mi anga sikwata tuna sa Mangeloi ku yena.

164 Mwabona kuli—kuli nali mwana wa mañi cwale, nana ni sibupeho sani ku yena? Mwana Satani. Kaniti, nali yena. Cwale a yaha aletare, mi a kubama fafasi ni kulapela. Na fitile mwa lika kaufela zeo (Kaine) zeo Abele na ezize.

165 Kono Abele na zibile kuli ne si cwalo. Yena. . . Neli mali ana ba lelekezi kwande. Na zibile kuli zani neli zona. Neli ku kopana hamoho kwa mubili, mali. Kacwalo anga ka folofolo ka kanyinyani, ni ku ka lobaza fa licwe, ni ku puma mulala wa kona.

166 Mulemuhe Kaine, yena. . . Mulimu na mu bulelezi, Mi ali, “Kiñi ha u sa lapeli sina munyana hao, mi uka kondisa. Uka eza hande haiba u eza cwalo.” Kono, batili, na zibile hahulu zeñata ka zona. Mwabona, a hana kueza za makalelo, ili Linzwi le li pakilwe. Haiba bani ha ki bana ba hae kacenu! Mwabona?

167 Cwale amutalime, “Mulimu na pakile,” ki Bibebe ye bulezi cwalo. Maheberu kauhanyo ya 4, kamba kauhanyo ya 11, “Mulimu na pakile ka mpo ya Hae, kuli nali ya lukile.” Mulimu kupaka sitabelo sa hae. Mulimu na patalaza kuli sani kona sa Na amuhezi; lani neli Linzwi la Hae, mulelo wa Hae.

168 Mi abulelela Kaine, kuli, “Eza nto yeswana, mi uka pila.” Kono kana mu nahana kuli na ka eza nji, na ka iteleka mulelo wa hae? Batili, sha. Nali ya sa lumeli, mi a zamaya kuikela. Yeo ki niti. Kaine na ezize nto yeswana. Nimrod na ezize nto yeswana. Baba sa lumeli! Na sa lumeli.

Belteshazare, nto yeswana, niha, kamba. . .

169 Nebukadinezare, ni hana ani Daniele kuba sina mulimu wa hae, na mu biza kuli Belteshazare, yeneli libizo la mulimu wa hae, na boni Daniele ha eza musebezi yemituna ya Mulimu. Mi cwale a ziba kuli—kuli Belteshazare na lumezi, kamba kuli Daniele neli mulimu, kacwalo aeza siswaniso ka yena, ni ku si paheka kuli mañi ni mañi a si lapele, ni zeñwi cwalo. Mwabona, mubuso wa Bamacaba no tahile ka kapelezo ya kulapela siswaniso sa muuna ya kenile, mi mubuso wa Bamacaba u zwela kwande ni ona ni kapelezo ya siswaniso sa muuna ya kenile, mwabona, ki nto yeswana.

170 Mi kwaba ni muñolo fa limota, wa lulimi lo lu sa zibwi, kwa makalelo a mubuso wa Bamacaba, kuli nekusina mutu yana konile kubala haisi mupolofita. Mi kuna ni muñolo fa limota kacenu, yeo ki niti, “Ichabod,” kuli kanya ya Mulimu izwile mwahala lika zani. Mi muñolo u fa limota mi ukona kubaliwa ka ngana ya moya ye lumela mwa lika za moya, baba pepilwe ka Moya wa Mulimu.

171 Belteshazare wa kale a zwela kwande mi anga liitusiso za Mulena, kuli anwele mwatani waine. Kiñi? Na li ya sa lumeli. Na hupula kuli nali mulumeli, kono nali ya sa lumeli. Mwabona, kona cwalo, na sa lumeli Linzwi.



172 Akabe, nali ya sa lumeli, nihaike yena—yena na eza inge ha ki ya cwalo. Batili, batili, nali mwahala balumeli, kono nali ya sa lumeli. Ki sikamañi sa na ezize? A nyala mulapeli wa maswaniso, mi a li tisa, bulapeli bwa maswaniso, ku li kenya mwa Isilaele. Nali ya sa lumeli. Lwa ziba cwalo.

173 Ba latula Linzwi la Mulimu kaufela kuba la niti. Ya sa lumeli u cwalo, mwabona, cwale muhupule, ki muipi. Mi u—u eza ona cwalo, u bulela kuli wa Li lumela, kono wa Li latula. A bulela kuli, “Kihande, buñata bwa Lona ki bobunde.” Kono haiba kaufela zona ha ki ze lukile, konakuli sani si mueza kuba ya sa lumeli. Mu lukela kulumela bunyinyani kaufela ni katowati kafi kaufela, ni lika kaufela ze bulezwi mwahali Mwani. Lina ni kuba za niti. Haiba ha Ki niti, haiba mubulela cwale kuli, “Na hani lumeli Zeo,” kihande, kanti ha mulumeli he.

174 Kuna ni mucaha ya naize kuna, nako yeñwi, neli—neli mukutazi naize kuli, “Na hanina taba, Bo Branham, ki batu babakai bene muka tisa bao—bao mu bulezi kuli ne ba folisizwe, Na hani koni kulumela zeo.”

175 Se nili, “Kaniti kutokwa, haukoni ku li lumela. Wena ha u mulumeli. Ne si za hao. Ki za balumeli fela kipeto.”

176 U lukela ku Li lumela. Mwabona? Mi ha ba Li lumeli. Kacwalo ha mubona mutu ku zani, kihande kana Paulusi na bulezi ka bapolofita, ka kubulela kuli bakaba ni “muikuhumuso, baba itutile hahulu, baba lata minyaka kufita kulata Mulimu; babana ni mubonahalelo wa bumulimu, kono ba ka latula Mata a bona, ili Mata a Linzwi; ku baba cwalo mu sabe kwateni.” Mulemuhe, ba latula Linzwi kaufela lona, kono mwa mukwa ufi kaufela ki ba bulapeli. Ha ki balumeli mwa Linzwi la niti, ni ha Li ka pakiwa.

177 Kuya cwalo mwahala lusika kaufela, Mulimu na pakile Linzwi la sicaba se Ni bulezi ka sona, Nuwe, ni ku shetumuka cwalo ku Mushe, ni bapolofita kaufela, ni zeñwi cwalo. Mulimu na bulezi ka lika za buipiteli ni kupaka Linzwi, kono niteni sicaba sani sa zwa kuya ku Sona.

178 Mi fa ki ba balutiwa bene ba yemi fani, bani baba mashumi a supile, mi ba bona Jesu inza eza lika ze swana za Na ezize, ni kuziba Mañolo, mi Yena aba bulelela kuli lwani neli lona lusika se hane si lukela ku ezahala. Mi cwale ha Na bulezi nto yeñwi, kuli “Mwana mutu! Ki sikamañi sene mu ka bulela?” Mi Ha kala kuba bulelela ka za ku ikabela sinkwa, ni zeñwi cwalo, mi a zwelapili a ba bulelela ka lika zetuna, za moya.

Mi bali, “Oh, Ye ki pulelo yetata!”

179 Mi ali, “Ki sikamañi se mu ka bulela haiba, Mwana mutu, ha mu ta Mu bona inza kambamela kwa Lihalimu ko Na zwile?” Bali, “Kana ki nama luli, kamba ki Moya, o fa bupilo?” Mwabona?

<sup>180</sup> Mi cwale ba ikela kusili, bali, “Oh, Sani, batili, Hanikoni kulumela Sani.” Mwabona? Bazwa kuikela, fa Linzwi. Habakoni nahaiba kuina kuli ba bone se si ezahala. Yani yani—yani ki yena ya sa lumeli.

<sup>181</sup> Bona, ki sikamañi se mueza ka bona? Lu fumana kuli bona, ona sicaba se, balumeli bani, baba ipiza kuli ki balumeli, kono mwa mikwa ya bulapeli, mi ba palelwa kubona Niti ya Linzwi la Mulimu kakuli I lwanisa ze ba lumela. Mwabona?

<sup>182</sup> Hanina taba ka ku shutana kwa ze mulumela, kamba muna ni likute cwani, kamba mu ba bulapeli cwani, kamba, sani hasina nahaiba nto ilinwi ya kueza ka sona. Ka ku sepahala, kiñi, sani hasina sa kueza ni sona. Ni boni batu baba sepahala luli! Ni boni mahedeni ha ba cisa bana ba bona ka mulilo, ku ba fepa kwa likwena, ba hame ni limbututu za bona. Zani ki zetuna kufita za kona kueza Mukreste. Mwabona? Ka ku sepahala ba lumela, ka ku sepahala, kono ne ba sepahala ka mafosisa.

<sup>183</sup> Batu bali, “Kihande, keleke ye iyemi!” Kuli, mu ikolwisisa ka mafosisa, haiba za shutana kwa Linzwi. “Kihande, cwale mutalime, Ha ni lumeli mwa lika zeo!” Kakuli, Bibebe ne ibulezi kuli Neli ona cwalo, ni hakuli cwalo! Mwabona? “Ha ni lumeli kuli lu lukela kueza Se.” Hanina taba ka se mu nahana kuli hamu lukeli kueza. Mulimu na bulezi kuli si lukela ku ezahala.

<sup>184</sup> “Lisupo ze lika ba latelela.” Kuisa kai? “Kwa lifasi kaufela.” Ki mañi? “Kwa libupiwa kaufela.” Mwabona, ku kaba cwalo! Isiñi, “Ku kaba?” Ku kaba cwalo!

<sup>185</sup> Mi Liñusa la hola ye lupila ku yona le lu sweli kuikola, ili Pata ya Mulimu, zazi la mafelelezo, nako ya manzibwana fo Maseli asweli ku monyeha, ni lika ze kwaluhile, mi Linzwi ne li pakile ni ku patalaza Niti; sibeli sa zona ze ne polofitilwe, za to ezahala, kuya ka lika kaufela za sayansi, ne li pakile Seo neli sona, “Jesu Krete ki ya swana maabani, ni kuya kuile.” Mi, mutu ha zwa ku Zeo, ki—ki ya sa lumeli. U fitelezi sepo. U beilwe mwa nombolo ya Satani, kacwalo hakuna sepo ku yena. U kwande a sepo.

<sup>186</sup> Cwale sani ki sikamañi? Balumeli; cwale ya sa lumeli; cwale sikwata sa bulalu, se lu bulela ka sona, ki mulikanyisi wa kulumela. Yani ki yena mushimani, mulikanyisi wa kulumela! Cwale, muhupule, mwahali mwani ne ku yemi babalalu kaufela. Cwale, lu fumana cwale, baeza fela ona cwalo sina ndata bona mwa ezeza, Judasi.

Nekuna ni Pitrosi ni babañwi baba apositola, balumeli.

Nekuna ni baba mashumi a supile, baba sa lumeli.

<sup>187</sup> Mi nekuna ni Judasi, muyeme ku zona, nali mulikanyisi wa kulumela. Ki sikamañi se ba eza? Se kona siemba se si swalelelanga kufitela ba fumana sesiñwi, mulatu ku Ona. Ba sweli ku talimela lisuba fa kupunya, ba bone mo si ezezwa,

kubona haiba ki makilikicani, haiba ki mulelo wa makilikicani. Ba libelela ku lekiswa. Ba talimela ona cwalo.

188 Ya sa lumeli, yena mane ha libelelangi. Na Li nyazize, ni ku ikela kusili.

189 Mulumeli, hana taba ka ze ezahala, wa Li lumela, ni hakuli cwalo, kakuli Ki Linzwi.

Ki zeo likwata za mina zetalu.

190 Ya sa lumeli wa kale uka ñala ni kuzwela kwande, fa taba yapili ye bulelwa, ha tabeli ka zona. Muzwale, uka bonisa mibala ya hae ona fo. Ha ki mulumeli. Paulusi naize, “Ba zwile ku luna, kakuli ne ba si ba luna, isali kwa simuluho. Ne ba kalile ni luna.” “Oh, ne mu matile hande; ki sikamañi sene si mi tibezi?” Mwabona kana? “Ne ba zwezi kwande, kakuli ne ba si ba luna.” Ha ba bona Linzwi le li petehile ha li ezahala, kiñi, neba bata kuba ni mukwa omuñwi wa makilikicani yene ba ka eza. Mwabona?

191 Kono balumeli ba niti ha ba buzangi lika. Li ñozwi mwa Linzwi, mi ba Li lumela, mi ba zwelapili fela. Kona cwalo. Kamita, ku ñozwi. Haiba ha ku si ka ñolwa, kiñi, muinele fela kwahule ni zona, hakuna taba kamba ku ezahala sikamañi. Si lukela ku ñolwa. Mwabona? Mi ha babona Linzwi le li ñozwi lani kipeto ba Li lumela. Mi ba bona Mulimu inza zamaya mwa Linzwi la Hae, babona hola, ili Liñusa, ni nako, mi kipeto ba zamaya ni Lona.

192 Sina ha Ni bulezi kakusasana wo, mwa na zamaezi Pilato mwa muzuzu, busihu, ni lizwalo la hae lene li bilaela, inza lika ku tapa. Mi ki hali, mawi, kanti hakuna nihaiba ku kakanya kwana bile ni kona mwa nako ya busihu, ali, “Ni—Ni—Nina—Ni tapile kwa mazoho, busihu kaufela, mi niteni ha Ni utwisisi. Mwabona, na si ka kena. Hani koni ku yo Mu katanyeza; Ni na ni Mali mwa mazoho a ka.” Oh, mawi! Mwabona, musike mwaba ni mulatu wa zeo. Mwabona?

193 U mwa mazoho a mina. Kuna ni fela nzila iliñwi ye mukona ku A tapa ka yona; yeo, ki ku a Amuhela, yeo ki niti, mube siemba sa Ona. Kona sa Na suluhezi.

194 Cwale, ya likanyisa kulumela wa icanganisanga ni kueza za bulapeli zetuna mwa kona ku ezeza, kono mwatasi a pilu ya hae ulika ku fumana seo—seo, mina, mo mu si ezeza. Oh, kambe naha haina buñata bwa siemba se, sa baipei! Eehe. Yani ki Judasi. Yeo ki niti. Wa icanganisanga nyana, mane uba siemba sa sikwata; nali yena mubuluki wa sikwama, mwabona. Uka yemela fakaufi, lizoho la hae li itukisize fela kufwañata masheleñi. Mwakona kulemuha cwalo, nto iliñwi, yena uzuma fela masheleñi, mi lizoho la hae li otolohezi kale fande. Mi yena ki mulikanyisi wa kulumela. U eza sina mulumeli, kono mwatasa pilu ya hae awa . . .

<sup>195</sup> Mwa hupula, na sa pumi Jesu. Kasamulaho baba mashumi a supile ha se baile, mi balumeli ba bonahalisa mayemo a bona; mi A sikuluhela kwa balumeli, mi Ali, “Ku sa nani sesiñwi ku mina,” kakuli naize, “Ni mi ketile baba lishumi ka bababeli, kono alimuñwi wa mina ki diabulosi.” Jesu na zibile, isali kuzwa kwa simuluho, kakuli Nali yena Linzwi. Na zibile kunutu ya mwa pilu.

<sup>196</sup> Mone libezi zetata! Muyeme fa muzuzu. Mutibise muhupulo munahane, fa nako yetelele, hande! Mo ne kubezi tata ku Yena, inza zamaya kwani, ni muuna ya na Mu biza kuli, “Muzwale,” kono inza ziba kuli nako kaufela yani nali mupumi yana ka lika ku Mu filikanya, ni ku Mu lekisa ka lishekele ze mashumi amalalu za silivera. Mone li bezi tata kubuluka zeo mwa sifuba sa Hae, mi mulikana Hae inza zamaya fani. Mane Na ize kuli, “Mulikani,” na biza Judasi kuli mulikani, “hanili Ni bile ni mina, nako ye kaufela?” Inza ziba mwa pilu ya Hae, kono na sa li buleli. Na zibile, kuzwa kwa simuluho, ya na ka Mu beteka.

<sup>197</sup> Ki yani fo ya likanyisa kulumela inza sweli fela ku libelela. Uka opela inza bulela, kuli, “Oh, Na lumela *se*, mi Na lumela ni *se*, mi Na lumela ni *se*. Kono, oh, mwa ziba, Ne ni utwile yana bulela kuli ki linako *ze cwana-ni-cwana*.” Oh, mwabona, ona cwalo fela ni mazebe.

<sup>198</sup> Mulumeli wa niti ha teezezangi lika lisili kwanda Linzwi. Kona zeo kipeto. Yena u tokomela Linzwi. Yena ha talimi masuba fa kupunyeza. Yena hana taba ni kutalimela mikwa ya makilikicani. Wa lumela ku Mulimu, mi sani kona se si feza lika, mi u zwelapili fela kuya ona cwalo. Mwabona? Ki yo mulumeli foo.

<sup>199</sup> Ya sa lumeli u filikana kapili fa muzuzu fela, mi hakoni ku teezeza mizuzu ye lishumi kwa Liñusa. Una ni ku nanuha añale ni kuzwela fande. Za lwanisa tuto ya tumelo ya hae, mi kipeto hasana kuba ni sa kueza ka zona hape, kipeto wa zwela fande.

<sup>200</sup> Kono, haili mulikanyisi wa kulumela yena uka i canganisa fa nako nyana, yena Judasi. Mwabona, yani ki mupumi. Yani ki yena—yani ki yena muika lingwangwa, haiba Ni lukela kubulela linzwi le li cwalo. Judasi, yena wa icanganisanga. Ye ki yona nako, fokuñwi, ona balikanyisi ba kulumela ba ba zibani hahulu ni batu. Yeo ki niti, bona balikanyisi ba kulumela baa, mwabona. Babañwi ba bona ki baana babatuna, baba itutile, ba madigiri a bu dokota, baba hola mali amañata, lika kaufela. Babañwi ba bona ki baana babatuna, baba talifile, inge fela bana ba Satani mo ba kona kubela.

<sup>201</sup> Mutalimele mwa na tezi Satani kwani ni ku to lumelana ni siemba kaufela sa Linzwi lani; u libelezi fela ku fumana siemba se si fokola sani ku Eva, ko akona ku bonisa mata a hae kuli a mu pume, ku mu beteka. Yani neli—yani neli Satani. Mi ki yo fa Satani, mwa mufuta wa Judasi, mwa lusika lwani. Yani

neli Satani mwa lusika lwapili. Nali sikamañi? Na lumelelana ni Linzwi kufitela kanto ka kanyinyani fela kalikañwi; ulika ku fumana sibaka ko akona ku fumana bufokoli.

<sup>202</sup> Mi sani kona se ba fumana bo Judasi ona cwale fa. Uka taha hande mwa mukopano, ni ku talima talima hande kufitela akona ku fumana sibaka se si nyinyani seo, yena akali, “Oh, ki sani fani! Ki sona sani!” Mwabona? “Oh, yani kona nzila mo si ezezwa!” Mwabona? Zani kona fela mo liinezi ona cwalo.

<sup>203</sup> Buñata bwa mina mwahupula kafani busihu bwani hane kutile muuna yani kwa katala. Na hupula kuli nekuna ni fela za kubala mihupulo ya sicaba ka za kubala makadi a litapelo, ni mwa na hupulela kuli na ka swabisa ona fani. Muzwale, na—na ikolwisisa kuli na konile. Mi ki ha taha. Neli wa kwa keleke ye sa lumeli mwa—mwa—mwa lika ze, mwa Evangeli, yona Evangeli yetezi. Mi ki ha taha kwa katala. Ne ni katezi. Ne ba bata kuli ba ni ize fande.

<sup>204</sup> Kwani neli kwa Windsor, Ontario. Mwahali mwani, kutaha kuzwa kwa—kwa United States kafani, ku zwelela kwa Detroit, fa Windsor, ki muyaho omutuna.

<sup>205</sup> Mi muuna yo ataha kwani ni suti ya hae ye seta, ni liyebela leli fubelu, muuna ya bonahala kutalifa, ya yemi hande sina mapo. Ataha kwa katala. Mi Na . . . A pahama cwalo. Mi se Nili, “Kihande, a lubone ni ku swale mwa lizoho.” Se nili, “Ni katezi; Ni boni hahulu lipono zeñata. Alubone fela ni ku swale kwa lizoho.” Mi—mi Ne ni si ka mulemuha muuna wateni. Mi ki ha ni kambeka lizoho. Mi se Nili, “Muñaka, hakuna se si fosahalile ku wena. I kele.”

Ki hali, “Oh, kuna ni sesi fosahalile, shaa.”

<sup>206</sup> Mi se Nili, “Kihande, a lubone ni talimele fateni.” Se nili, “Batili, sha, hakuna nihaiba sisupo silisiñwi. Batili, sha, wena u mutu ya iketile hande.”

Ki hali, “Kifo talimela fa kadi yaka ya tapelo!”

<sup>207</sup> Se nili, “Hanina taba ka so beile fa kadi ya hao ya tapelo.” Se nili, “Hanina sa kueza ni kadi ya tapelo,” ne ni sa nahani, mwa bona. Ne ni katezi ni ku botaha zangana. Mi ni . . . Kono muhau wa Mulimu, mwa bona, no sa liteni.

<sup>208</sup> Mwa hupula, haiba Wa mi luma, ki musebezi wa Hae kuli a mi babalele. Ha ki waka; ki Yena. Ki yena ya U lumile. Ni lukela kuyema ku sa niti.

<sup>209</sup> Fani Mushe hana natile mulamu wa hae fafasi, wa fetuha kuba noha, mi ba mabibo ba eza lika zeswana, ki sikamañi sa na ka eza Mushe kwanda ku yema fela ni kulibelega muhau wa Mulimu? Kipeto kufelile. Nto yeswana. Na latelezi litaelo. Mi mwa ziba ze ne ezahalile, nji cwani? Mwabona?

<sup>210</sup> Muuna yo ali, “Cwale,” ki hali, “kuna ni butata. Talimela fa kadi yaka ya tapelo.”

211 Se nili, “Kihande, hakulata ubile ni tumelo yeñata hahulu, mi mwendi i belekile kale,” ni sa nahani sika, mwa bona. Na eza . . . kusina nihaiba kuiseza ngana kwateni.

212 Mi ki ha zusa likunupo fa koti ya hae ni ku tundula sifuba sa hae. Mi ali, “Ki fo muikutwezi!” kwa sicaba.

Mi Na hupula kuli, “Ki sikamañi se si ezahala fa?”

213 A talima kafa ni kafa. Mi ali, “Ki fo muikutwezi!” Ali, “Mwabona makilikicani?” Ki yani Judasi wa mina, muuna wa bulapeli, mukutazi wa kopano yetuna. Ali, “Ki fo muikutwezi! Ne ni nani ‘tumelo yeñata hahulu.’ Cwale, u fokozi hahulu, hakoni kubala ngana ya batu. Mwabona, haikoni kutaha ku yena ni hanyinyani.” Mi fani abulela kuli, “Ne si tumelo yaka yeneli yetuna hahulu.” Ali, “Ni ñolisize zeo fa kadi ya tapelo yeo, mi fa upalezwi ku si bona, mwa bona.” Ali, “Ani kona makilikicani!”

214 Mi Na hupula kuli, “Ki sikamañi se si ezahala?” Mi muhau wa Mulimu wa tuluka.

215 Se nili, “Muñaka, ki kabakalañi diabulosi ha beile mwa pilu ya hao kulika kupuma Mulimu?” Ki Judasi wa kacenu! Se nili, “Wena u wa church of Christ . . .” Mu ni swalele. Kihande, Ne n bulezwi cwalo. “Wena u mukutazi wa church of Christ. U wa siemba sa ba church of Christ, ye fumaneha mwa United States. Mi muuna yani yainzi fani ni suti ya mubala wa ndilu, ni musala hao ni musala hae baba inzi fani, ne muinzi fa tafule maabani busihu yene apesizwe lisila la mubala o tala, ne—ne i apesizwe sina *cwana*, mi ne mu utwani kuli ze ki ‘kunuha mihupulo,’ mi me muna ni kutaha busihu boo.”

216 Muuna yani ki ha nanuha. Mi ali, “Yeo ki niti ye sepahala. Mulimu, ani utwele makeke!”

217 Se nili, “Muñaka, u ñozi fateni ‘TB ni kansa’ fa kadi yeo, mi cwale ikungele yona. Ki ya hao cwale.”

Mi ki ha ni swala kwa liutu la bulukwe, mi ali, “Ha ni si ka . . .”

218 Se nili, “Hakuna mo ni kona kuezeza hape. Wena ikele fela kihona. Ku itingile mwahala wena ni Mulimu. U iñolezi lifu la hao fa kadi.” Mi kona ze ne mu bulaile. Ani neli mafelelezo a zona.

219 Mwabona, balikanyisi ba kulumela, bapumi, balika ku fuma mafosisa cwalo ku Mulimu ni Linzwi la Hae. Bani kona bo Judasi. Bani ki bona. Mwabona mo Judasi mwa na tezi? Mwabona mwa na tezi mutangana yani? Yani kona nzila ye ba ezanga ka yona balikanyisi ba kulumela. Mwabona, balikanyisi ba kulumela, oh, baitutile hahulu, linako, mi kipeto kuswaba ko kutuna kutaha mwahala Linzwi ni tuto ya bona ya tumelo. Mi, haitaha cwalo, ba lekiswa kwa kopano ya bona ona cwalo fela sina mukali wa bona mwa na ezelize, Judasi. Judasi na lekisizwe kwa kopano ya hae; alekisa Jesu, lona Linzwi, kwa kopano ya

hae, mi a beteka Jesu Kreste yo nako ya kwa mulaho na ipapata kuba siemba sa hae.

<sup>220</sup> Bakutazi fokuñwi ba ipapatanga kuba batanga ba Kreste, mi cwale haiba Linzwi li bonahazwa patalaza kuba le li pakilwe hande ka lizazi lani, kuli kona Liñusa la hola yani, mi ba ka lekiswa kwa kabubo, kwa kopano ya habo; ona cwalo fela sina mwa na ezelize Judasi, a beteka Jesu kwa Bafarisi ni Basaduki. Moya wani ha u shwangi, kacwalo fo zani ki mwahala balumeli, balikanyisi ba kulumela, ni baba sa lumeli. Mwabona, zeo kona fela mo liinezi, ataha ku to lekisa Jesu ka lishekele ze mashumi amalala za silivera; mi buñata bwa bona ba ka eza cwalo kacenu bakeñisa tikiti ya sico, kuli baba ekeleze ma dollar a mwanda a sunda; luli, ba ka latula Mulimu ya yemi mwahala bona, ya na lekile bupilo bwa bona, mi ni Linzwi le li tezi.

<sup>221</sup> Mi ba kali, “Oh, mazazi a limakazo ani a felile!” kamba, “Mulimu hatokwi sika se si cwalo kacenu.” Mwabona? “Oh, Ni lumela ku Jesu Kreste, yena Mwana Mulimu! ‘Lumela Maria, mahe Mulimu, u fuyozwi hala basali!’” Ona lika zeñwi ze kaufela ze ba bulelanga! Mi babañwi ba bona baize, “Ni lumela mwa Tuto ya Baapositola. Ni lumela ku Mulimu Ndate, ya Mata kaufela, Mubupi wa lihalimu ni lifasi. Ni lumela mwa keleke ye kenile ya Roma ya Katolika, ni lika ze kaufela.”

<sup>222</sup> Mu ni bulelele muapositola hana nani tuto ye cwalo. Haiba ba apositola neba na ni iliñwi ye cwalo, i ñozwi mwa Likezo 2:38, “Mubake mi mukolobezwe, mañi ni mañi wa mina, ka Libizo la Jesu Kreste, kwa swalelo ya libi, mi mu ka amuhela mpo ya Moya o Kenile.” Haiba kuna ni tuto ya tumelo ifi kaufela ku zona, yani neli yona. Neba sina tuto ya tumelo. Neli Linzwi. Yeo ki niti. I sa siyala ona cwalo ye swana. Wani kona munwelo wa mulyani wa kalafo ya butuku bwa sibi, “Mi mu ka amuhela mpo ya Moya o Kenile! Mubake mi mukolobezwe kwa swalelo ya libi, mwabona, mi mu ka amuhela mpo ya Moya o Kenile.”

<sup>223</sup> Kono ba lekiswa, sina Judasi. Yani ki yena mulikanyisi wa kulumela. Babañwi ba bona ki batu baba na ni litalenta zetuna. Mi mulikanyisi wa kulumela yo, mutalime mutangana yani. Yani ki yena mutangana ya butali. Yena mutangana ya halifa kapili yo, ni kutulela mwa halimu ni ku matela fande, kwa pulelo kaufela ya sa tabeli, musike mwa mu iseza ngana; yena ki ya sa lumeli, ka kukala. Kono cwale ha mubona mutangana yo, yena ya likanyisa kulumela, inza i canganisa cwalo, mwabona, bao kona bo Judasi. Yani ki yena.

<sup>224</sup> Sina litalenta zetuna. Ni ka punda mabizo fa. Ili, ao Ni sa lukeli kueza cwalo, kono Ni ka a punda, ni hakuli cwalo, kuli mu a zibe. Sina, Elvis Presley, Red Foley, Ernie Ford, Pat Boone. Elvis Presley, wa Pentekota; Pat Boone, wa church of Christ; Red Foley, dikoni wa church of Christ; mi Ni sepa kuli Ernest Ford ki wa Methodist. Mi sicaba kaufela sa keleke ni litalenta zani, baba

talifile, fa mazimumwangala. Mi sicaba sili, “Kihande, ha ki ba bulapeli nji? Ba opelanga lipina.” Seo ha si talusi nto ni ye kana. Eeni, sha. Kupuma lifasi!

<sup>225</sup> Ki sikamañi se ba ikungela ku zona? Judasi na ngile lishekele ze mashumi a malalu za silivera. Elvis, ku cabuka kwa limota za ma Cadillac, ni mwanda, kamba mianda yemibeli, ya ma dollar aeza ma milioni a mashumi aketalizoho, kamba ma dollar a eza wani milioni fa litaba ze bubana ni lika ze cwalo. Pat Boone ni babañwi ba bona. Hanina taba kamba ki ba keleke mañi, ni lika kaufela, ki buipi. Ki mulikanyisi wa kulumela. Ki pata. Sani, bupilo bwa bona bwa ipaka, kuli ha ki niti. Luli.

<sup>226</sup> Mi kuna ni bani babana ni litalenta ili bona baongaongi babatuna, butali bwa lifasi. Ba kutaza Evangeli, ba ipapata kuba; baana baba butali, baituti ba litaba. Amuteeleze, muuna ya lutilwe mwa siemba sani, ha ki mukutazi. Ki mucaindisi wa tuto. Bwani kona butata bwa kacenu, luna ni bacaindisi ba lituto.

<sup>227</sup> Jesu na si ka bulela kuli, “Ha mu yo ituta kueza sa kuli.” Na ize, “Muye mukutaze Evangeli, mi lisupo ze li ka latelela kutazo.” Mwabona? Mwabona?

<sup>228</sup> Baba si ka ituta za kufa tuto ni kuyema mi kipeto, mawi, ba beya lika zani ze tabisa mwateni, ku mi eza kuikutwa kuli muinzi mwa kubateni kwa Nduna wa lingeloi. Zani ha ki zona. “Kuba ni mubonahalelo wa bumulimu,” mwa bona, kwani ki ku caindisa kwa tuto, ha ki Moya o Kenile mwa kezo.

<sup>229</sup> Mutu yomuñwi ya si ke kuziba nihaiba ABC ya hae, ukona kutaha ni Mata a tumelo ni Linzwi; ni kueza Moya o Kenile kueza lika zeo mutu yani asina za ziba ka zona, ni ku li latula. Mwabona? Ki fo he cwale.

<sup>230</sup> Sicaba sesituna! Eeni, sha. Cwale, ki baongaongi. Ba fumile, ba kondisa za bona, ba talifile mwa zibo ya lifasi.

<sup>231</sup> Ona cwalo fela sina Satani mwa na ezelize ku Eva, yena musali, yomunyinyani yani yana sina ya mutusa. A taha ku yena ni ku lika kulekisa ku yena muhupulo wa kuli na kaba ya butali hahulu kufita mwa na bezi, mi sani kona sa na libelela. Kufita kuli aine hande ni sene li bulezi Linzwi, yena—yena na bata ku lekiswa kwa muhupulo wa kuli na kaba ya butali nyana, mi musali a leka siemba ku yena. Mi ba sa eza lika ze swana ni kacenu. “Butali bwa lifasi le ki butanya ku Mulimu.” Eeni, sha.

<sup>232</sup> Batili, sha! Oh, mawi, ki nto yeswana fela ni ze ne ba lekisizwe ku zona Bafarisi bani, mi kwaba cwalo, mwabona, ni butali bo ba ziba. Kono—kono ba latula Linzwi la Mulimu kaufela.

<sup>233</sup> Ha se Li pakilwe hande ni ku bonahazwa ku bona, ba sa lika ku fumana sika, mi ba nahana kuli ki makilikicani. Ha ba si ka fumana mayemo a swanela mwa minahano ya bona. Habakoni



ku Li lumela. Mwakona ku ba bulelela sika sifi kaufela, mi ba kutile hape; mwakona ku ba bulelela sika kaufela, bakutile hape. Mi bona kipeto. . . Mi habakoni ku Li nwelisa mwahali, mwa bona. Mi ha mu ba talime; ba ka libelela fa nako nyana, ki lisuba fela. Kona fela ze ba bata.

<sup>234</sup> Zani ki zona, kambe ne si muhau wa Mulimu, masuba aka kaufela aka tiswa patalazwa, haiba Ni na ni ali teñi kaufela. Mwabona? Ki muhau wa Mulimu, kakuli hakuna masuba mwa Linzwi la Mulimu; ki Evangeli fela ye namile hande. Ni bulezi kamita, mutu ufi kaufela, haiba mu ni bona inge ni luta kamba kueza sika kaufela se si siyo ka Linzwi la Mulimu, mu to ni bulelela. Ki se sika se si apesa masuba e musweli kulika ku fumana. Mubeye fela meeto a mina ku Zona, mi hamuna kubona masuba, kakuli hakuna masuba.

<sup>235</sup> Cwale a muhupule, Judasi na hupula kuli ufumani alimuñwi. Mutangana yani na hupula kuli na fumani alimuñwi. Linako zeñata, ba nahana kuli ba li fumani, kono li bonisa kuli ha li cwalo. Bani ki baba sa lumeli, baipi. Ba inzi mwa Linzwi ka lipesenti ze nainte faifi, kona mwa na bezi ni Eva, kono, nainte naini ni kalulo ya mashumi a nainte naini; kono neli kalulo ya bu lishumi yani yene tisize lifu kaufela ni maswabi.

<sup>236</sup> Yani kona taba iliñwi ye nyaza kopano ni lika zeñwi, kakuli ha ba amuheli Linzwi la Mulimu ka kutala. Bani ki balikanyisi ba kulumela. Lu fumana kuli kona mo kubezi cwalo kamita, kono ba latula niti, lona Linzwi le li pakilwe. Ba kamita bateni mwa lusika lufi ni lufi kaufela. Lwa ba bona haba nze ba ya cwalo, mi hape ki ba bulapeli hahulu.

<sup>237</sup> Cwale, Ni bata kukwala ona cwale fa, kakuli Ni se ni felize licika leliñwi la hola.

<sup>238</sup> Jesu, lu fumana kuli U lu lemusize ka lika ze mwa mazazi a maungulo a ni sicaba sa batu baba cwana, kuli libe bukaufi hahulu inge sika sa niti luli, kuli mane likona kupuma ni bona ba Baketilwe. Ki sikamañi seo? Bani kona bo Judasi, ona—ona sicaba kona se siya mwa halimu cwalo. Mutalime, bona—bona bakona ku kalumuka, kuhuwa, ba ipapata ku leleka mioya yemaswe, lika kaufela, mi kipeto ni ku sikuluha ni kulatula Linzwi. Luli. Bana ni mubonahalelo wa bumulimu. Neba—neba—neba ka ba. . .

<sup>239</sup> Mutalime ku Judasi mwa na tezi. Moya wa Judasi no pahami mwa Evangeli, mane ku yo fita ni fa sibaka sa Pentekota. Kono cwale hane litile fa nako ya hae kuli a kolobezwe ka Libizo la Jesu Kreste, ni lika zeñwi ze zamaelela ni kolobezo ya Moya o Kenile, a zwela kwande. A bonisa mibala ya hae. Mi moya wakona kupila mwa likopano zani kufitela ufita fa Niti yani, kipeto ya zwa kwateni, sina moya oli ku bona, zani ne li zamaile kwa pata kutaha kwa bona; inge fela Joani mwa na zamaezi kwa pata a kutaha kwa Jesu.

“Cwale mu li, ‘Jesu naize kuli ne ba kaba fakaufi luli.’”

240 Cwale, “Baketwa,” wani kona mufuta ono banga ni mabizo a bona mwa Buka, kuzwa kwa simuluho, ya Bupilo, baba lumela, kamba simuluho ya lifasi, baba lumela Linzwi la Bupilo kaufela. Bani ki Baketwa.

241 Cwale mutalime sicaba se. Cwale, Ni bulela se tokomelo ni likute, ka lilato la bumulimu; haiba ha Ni ezi cwalo, Ni—Ni—Ni—Ni tokwa pizo ya kwa katala, na kasibili. Mulemuhe, Jesu naize kuli ika puma ni bona ba Baketilwe. Cwale, bani ha ki ba Methodist, bani ha ki ba Baptist; lu ziba kuli ha ki balumeli, ka kukala. Kono, ki kopano ya Pentekota yene zwile mwa kopano, ne ba lalile milulwani ya bona, kusina Linzwi; mi ba lala milulwani wa bona ni kubeya katengo ka bona, mi ba libana ni Linzwi. I ka puma ni bona ba Baketilwe, ka kupetahala mane ba swana! Kuli, “Ba kalumuka. Ba huwa. Ba tulaka mwa halimu ni fafasi. Ba ipapata kuli bana ni lisebelezo za foliso.” Kona mwa na ezelize Judasi, mi kona mo ne ba ezelize kaufela bona babañwi. Mi hane ba zwezi kwande, ba yo kuta inge ba nyakalala ni lika kaufela, mi mane ne bana ni mabizo a bona inza ñozwi mwa Buka ya Ngunyana ya Bupilo.

242 Kono, muhupule, Munyaliwa hana—hana—hana kutaha mwa sikwata sani. Yena uya mwa Kuungelwa.

243 Kwa Katulo, katulo ne itomilwe, “Mi libuka ne li kwaluhile, baba maswe; ni Buka yeñwi, ili yona Buka ya Bupilo, ya apulwa,” mi nekuna ni Munyaliwa teni kwani kuli aba atule. Mwabona? Mwabona? “Buka yeñwi ya apulwa, ili yona Buka ya Bupilo.” Zani ki lingu kwa neku leliñwi, ni lipuli kwa neku leliñwi hape. Mwabona, sicaba sene si shwezi kafoo, sene si sina kolo, ki sona se si ka kauhanyiwa.

244 Kono cwale mulemuhe, “kupuma” bona ba Baketilwe, mutalimele sikwata sani. Sani kona sikwata sesi nyomaetanga mwa mulaho, “Eeni, muzwale. Haleluya! Eeni. Kanya ku Mulimu!” Mi ka ku kena mwa pilu ya hao wa bona se ba beleka ku sona; muna ni zeo mwa keleke (kiñi?) kuhoha sikwata, ku ba zwisa kwa siмба kaufela sa masheleñi a zona. Munahana kuli ha Ni zibi zeo nji? Bakona ku nahana kuli Ha ni li zibi, kono Na li ziba.

245 Kono Jesu na zibile, isali kwa simuluho, yana li mupumi. Mwabona? Mwabona? Kono ki sikamañi sa Na ezize? Na libelezi fela kufitela ka nako yani. Sani kona se lu lukela kueza kamita, mulibelele kufitela nako yeo. Musike mwa itamaela ka mina fela. mulibelele kufitela muzuzu wateni luli.

246 Kuba ni- . . . mufuta, ni ku zwelapili ona cwalo, sani kona sikwata sa bupumi sani. Mutalimele mupumi yani, sikwata sani kwani; isiñi mu—isiñi mulumeli, isiñi ya sa lumeli, kono ki yani mulikanyisi wa kulumela. Oh, mawi! Ki sikamañi se ba eza? Ki kuya hamoho cwalo kufitela ba nahana kuli ba fumani sika, ba

amuha pene kaufela yeo bakona kuzwa mwa sicaba, mwabona, mi kipeto ni ku libeya likopano zetuna ze; ili zona ze lwanisa, mi ba li ziba. Mwabona, ba ziba cwalo.

247 Ha si ezi shutano ni yekana ku se mu bulela. Bona kamita ba lemusanga sicaba sa bona musika taha kale, “Musike mwa Li teezeza.”

248 Muuna alimuñwi, ka mununa wa kuyema mwani mwa Ohio, ona fani fela Muzwale Kidd hana folisizwe, na tile fani fa katala, mi ali, “Cwale, Muzwale Branham ki mupolofita, hakuna ku kakanya ni hanyinyani, hali mwatasa tozo. Kono cwale,” ali, “mi tozo ha imu siya,” ali, “musike mwa lumela Tuto ya hae, kakuli I fosahalile.”

249 Mi na sa zibi, cwale hane ni inzi mwa muzuzu waka, Mulena ali patulula kuna. Mi se Ni zamaya kuya kwani. Mi buñata bwa mina nemuliteni kwani. Mi se Nili, “Ki kabakalañi mutu hana ka bulela nto ye cwalo, fani Linzwi. . .” Cwale, mwabona, Nali kuba Ni bulele kuli ni mupolofita; ki yena yana bulezi.

250 Mi mupolofita, linzwi lelili *mupolofita*, “muboni,” Testa- ya Kale. . . Cwale, linzwi la Sikuwa leo la kuli *mupolofita* litalusa kuli “ki mukutazi.” Kono *muboni* wa Testamente ya Kale neli muuna yana nani “toloko ya Bumulumu ya Linzwi,” mi na pakiwa ka Linzwi lene li taha ku yena mi inza li bona isali kwa makalelo. Sani kona sene sili. . .

251 Mi muuna yana bulela kuli nali mupolofita muuna yani, mi kipeto abulele kuli Tuto ya hae i fosahalile? Haiba nji yani ha ki mikwa ya kubatela mwateni masheleñi, ki sikamañi seo? Hola i sutelezi fakaufi fo sika sani hasika i tahisa fa ngandaleza. Eehe. Kono wani kona mufuta wateni, wakuli mulikanyisi wa kulumela, aka mi nata nata fa mukokoto, ku mi biza kuli “muzwale,” inge fela Judasi. Kono, muhupule, Na ziba isali kuzwa kwa simuluhu. U sa ziba. Eeni, sha.

252 Muhupule, kaufela baba sweli kuteeleza kwa tepu ye, ni mina, yeo ki niti, mu fumaneha ku iliñwi ya litopa zani. Yeo luli ki niti. Cwale lu ka kwala. Mutu kaufela yali mo, yaliteni, mutu kaufela ya teezeza kwa tepu ye; mane nihaiba kuli zazi leliñwi Ni na ni kusiya lifasi le, matepu a akazwelapili kupila. Yeo ki niti. Mwabona? Mi muteni ku yeñwi ya litopa zee. Mu lukela kuba ku yeñwi ya zona. Kona ona cwalo. Hamukoni ku picuka. Muteni ku yeñwi ya litopa zee.

253 Cwale ki sikamañi? Mwitibahaze ili mina ni buino bwa Bibebe bo bupila, kone mu lumela Linzwi hane Li pakilwe, sina mo Ni li boniselize busihu boo, kuli neli Linzwi le li pakilwe kamita, kamita la shutana ni tumelo ya babañata.

254 Kambe ne mu ka pila mwa mazazi a Nuwe, cwale mutuhele fela ni buze, ki siemba sifi sene mukaba ku sona, siemba sa keleke kamba siemba sa Nuwe, yena mupolofita? Mwabona?

255 Kambe ne mu ka pila mwa mazazi a Mushe, kikuli ne mu ka lumela liñusa la Mushe kasamulaho limano pakiwa ni ku yemelwa ki Mulimu? Kono kikuli ye mu ka ya ni Kora ni Datani, ni babañwi bani, ni kubulela kuli, “Wena ha ki wena muuna ya kenile fela unosu. Batu babañwi bakona kuezwa lika zo eza ze, ni bona?” Mwabona? Ulukela kuba alimuñwi, mi ki wena, busihu bo.

256 Kamba ki kuli ne mukaba ni Daniele, kamba ni keleke yeneli kwani kwa mukiti wa Nebukadinezare one ba tundanisa? Mwabona? Kikuli ne mukaba kwande, kamba ne mukaba kwani kwa mukiti, yona—yona nto yetuna yene ba nani nji?

257 Kikuli ne mukaba ni Elia, muuna yani yana yemi anosi, yana bizizwe, “muumbulu wa kale, muuna ya lyangani mwa booko,” ni kuyema faholimwa lilundu, mi ni toho ya hae inze ibenya mwa toho bakeñisa lizazi, ni mulamu o sikami sikami mwa lizoho la hae, linyunywani inge li mu fepa, uh-huh, muumbulu yomuñwi? Kamba kikuli ne mukaba ni baprisita ni bani kaufela kulo kwani ni Jezabele, ni basali bani kaufela bene ba tina sina basali ba kacenu? Mi Elia inza yemi fani, inza ba omanya, ka buhali mwa na konela! Ki siemba sifi se ne mukaisa bo musala mina kwateni? Munahane fela. Mu ipeye fela mwa siswaniso busihu boo.

258 Mwa mazazi a Jesu, kikuli ne mukaba ni Mushimani yo yana sina mapampili a lituto? Yena na sina tumelelano ni likopano. Ne baize, “Ki sikolo mañi ko U zwelela? Hau yo mwa litaba za luna mo. Kana uba cwani ni butali bo? Kana U itutile cwani kanti ha lu si ka Ku luta litaba ze luna? Ki sikolo sifi So tahile ka sona? Kana U wa Methodist, Presbyterian, kamba Baptist?” Na si alimuñwi wa zona. [Muzwale uli, “Nana ni Linzwi.”—Mu.] Yeo ki niti. Nali yena Linzwi. Yeo luli kona niti, muzwale. Kana mina . . .

259 Kamba kikuli ne mukanga siemba ni Bafarisi ba tumelo yenca ya muprisita ya ishuwile wa kale yana bonahala kuba ya bunolo mi yomunde, ni kopano yene yemanga kuzwa kwa Katengo kaba Nicaea, kamba kukalela fa na ka ongaongezi Luther? Kamba ki sifi—ki sifi sikwata sene mu ka fumaneha ku sona? Kikuli ne mukaba kwa . . . Ki sikwata sifi se ne mukaba ku sona? Kikuli ne mukaba yema ni Linzwi hane mu ka Li bona ha li pakiwa ni ku bonahala ku mina, Neli lona Liñusa la lizazi lateni, kamba kikuli ne mukanga mayemo a keleke? Cwale muipeye fela mwa siswaniso busihu boo.

260 Kikuli ne mukaba kwani ni ba apositola, hane ba boni Jesu ni lika ze komokisa sa likunutu zani kaufela, fani ha Na omanyize bakutazi bani, ni kubulela kuli, “Mu siyaletu sa linoha?” Bakutazi baba sephala, ba kale bani ne ba bala Lizwi lani. Ali, “Hamu sesiñwi kono mu makundano a masholi, mi mu—mu tezi fela masapo a batu baba shwile. Hakuna se muli sona kono limota lelisweu.” Mwabona? “Mina lusika lwa linoha.”

Kikuli ne muka yema ni mutu ya buhali Mucaha ya cwalo, Yana yemi kwani ni ku kalimela ni ku wiseza fafasi? Ali, “Ki mañi wa mina yakona ku Ni nyaza ka sibi? Kanti Na ni eza kaufela sa ni bulelela Ndate . . .”

<sup>261</sup> Mi bali, “Musike mwa li teezeza. Mutangana yani una ni moya o maswe ku Yena. Wa takana. Wa pulumuka. Una—Una ni moya wa diabulosi ku Yena. Mwabona? Cwale, zani. . . mwa Ezeza zani, Yena, utaselizwe ki moya wa munuhi ku Yena. Mu bulelela kuli, ki Yena mañi? Bo mahe ne ba itwezi Yena bona ni bo muuna bona ba si ka nyalana kale. Mwabona? Mwabona? Ki sikolo sifi kwa Na zwile? Haluna nihaiba pihho iliñwi ya Hae ye paka kuli naile kwa sikolo sa kuikuta sikuwa.”

<sup>262</sup> Mi kanti ha Nali wa myaha ye lishumi ni yemibeli ya kupepwa, A komokisa ni ku swabisa baprisita, ni Linzwi la Mulimu. Mwabona? Ki sikolo mañi sa Na zwelela ku sona? Neli sikolo sa kwa Lihalimu. Mwabona? “Hamuka bona Mwana mutu a kambamela kwa lihalimu kwa Na zwelela.” Mwabona, sani neli sona sikolo sa Hae.

<sup>263</sup> Kono kana ne muka yema ni ba apositola, ku Muuna ya cwalo, hane kutile kuswaba?

<sup>264</sup> Kamba kikuli nemuka ikela hamoho ni baba mashumi a supa, ni kubulelela kuli, “Kihande, luka kuta kwa likeleke za luna haiba yeo kona nzila Yo ka luta ka yona, ya kubulelela kuli, Wena, ‘u Mwana mutu’? Kanti, lika kaufela, wena ki Wena mañi? U sikamañi Wena? Mutu ya swana sina Na, Ni ca ni Wena, kipeto ulike kubuela kuli U sesiñwi. Ni Ku lemuhile. Ni boni bufokoli bwa Hao. Ni Ku boni ha U lila. Ni Ku boni ha u eza *se, sani*, kamba *sesiñwi*. Ni Ku boni mwa lihalaupa hamoho ni luna, ni lika zeñwi kaufela sina zeo cwale, mi Wena u mutu fela kihona. Mi kipeto ubulele kuli U zwa kwa Lihalimu. Zeo kuna nya.” Kikuli ne muka ikela ni bona? Kamba kana ne muka zamaya ni baba mashumi a supa nji? Kamba kikuli ne mu ka zamaya kuikela ni ba apositola ni Kreste?

<sup>265</sup> Fani Muhalalehi Martin hana likile kuba ni kolobezo ka Libizo la Jesu Kreste, mwa keleke, hana sa lika kuswala lisupo ni ze komokisa ni lika zeñwi, mi ba keleke ya Katolika ba munyaza muuna yani mane ba tokwa nihaiba ku mu kuteka, mi ba mu lelekela kwande, kana nemuka nga siemba ni tuto ya Katolika nji, kamba ne muka yema ni Muhalalehi Martin? Fani hana hanile ku yemela maswaniso ani kaufela a—a batu baba shwile, ni ku a kubamela, ku kubamela maswaniso ani, ni lika zeñwi cwalo, hana hanile lituto za litumelo ze ne ekelizwe kwateni, abulelela kuli, “Mutuhele kuli Linzwi ibe yona Niti!” Mi Mulimu amu yemela ka lisupo zetuna ni ze komokisa, ni sa na bulezi kale sa ezahala. Ni lika kaufela za na ezize, a zamaya mwa Moya wa Mulimu ni ku li paka cwalo, mi hakuna ni yomukana wa baprisita bani yana kona kuezza sika ka sona. Kana ne muka nga

siemba sa hae ni kuya ni Muhalalehi Martin, kamba kikuli ne mukaya ni tuto ya tumelo ya Katolika?

<sup>266</sup> Cwale Linzwi, cwale Linzwi la Mulimu kamba lituto za litumelo za keleke, liyemi fapila mina. Kana mwakona kunga, ku amuhela se libulela lituto za keleke, kamba kikuli mukanga se li bulela Linzwi nji?

<sup>267</sup> Muhupule, mwa masika kaufela mwahala masika kaufela kubile sina mo kuinezi ona fa cwale. Kuna ni tumelo ye zibahala kamita mwahala sicaba, mi kamita kubile fela ka shutana nyana kwa Linzwi la niti. Muhupule, ha i sikaba fela ku Li hana ona cwalo. Oh, batili. Antikreste ha latuli Linzwi. Batili kutokwa. U bulela kuli wa Li lumela, kono ha Li lumeli kaufela lona ka mo Li ñolezwi mo. Mwabona? Mwabona?

<sup>268</sup> Satani na bulelezi Eva. Eva na Li lumeli kaufela kono neli fela siemba se si nyinyani sa na bulelezi musali. Ba anga siemba sa Lona kaufela kono konji fela kaemba. Bakona kubulela kuli, “muye kwa lisa,” ikona kuba sika sesiñwi fela. Mu lukela ku Li amuhela, siemba sateni kaufela, inge fela mo Li inezi *Mo*, mwabona, ona cwalo fela mo I bulelezi mwahali *Mo*. Ikona ku mi eza misebezi yeñwi ya makalelo kukutela hape, kono ki sona fela se li bulezi Linzwi. Ao abile makilikicani a Satani ku ya ka mwa na belekezi cwalo ku Eva, ku sa lumela fela hanyinyani kwa Linzwi.

<sup>269</sup> Mi, kamita la kauhanyanga likwata zetalu za batu ze, Linzwi la kauhanyanga sicaba. Mwa lusika kaufela kubile ona cwalo. Lusika kaufela lo lukile lwaba teni, kubile ona cwalo, mi Mulimu na lumile sika mwa sibaka mi ni ku Si bonahalisa, Linzwi la Hae.

<sup>270</sup> Mi kuna ni bani baba latelela, baba ipapata kuba balumeli, mi ba cwalo. Kuna ni bani ba basike ba kuta mwa mulaho. Ba lumela Linzwi. Haibile fela muinzi mwa Linzwi, ba Li lumela.

<sup>271</sup> Kono ha Li taha ka kushutana nyana, hakuna taba kamba Mulimu uka Li bonahalisa cwani ku se ba lumela, ba li, “Kihande, Ha—Ha—Ha ni zibi sika ka *Sona*.” Yani ki ya sa lumeli.

<sup>272</sup> Kamba kana mu latelela fela kufitela mu bona kolo ya kubulela kuli, “Uh-huh, ki fo cwale!” Ki Judasi ya taba sika mwa mukokoto, sina mwa na ezelize. “Ne ni ziba kuli ne li ka ezahala, cwanoñu kamba kasamulaho. Ki fo he cwale!” Yani ki mulikanyisi wa ku lumela. Kaufela, siemba sateni kaufela, lwa li bona mwa Bibebe.

<sup>273</sup> Mushimani yomuñwi nako yeñwi, ona mwa Kentucky mo, ne na hulezi ona malundu, na—na siyo bukaufi kone kuna ni siiponi. Neba na ni kaemba nyana kene ka comekilwe mwa kota, kono ali kuba aipone ili yena. Na tile kwanu kwa Louisville, ne ku izwe, mi na pilanga ni bo kezela bo mahe. Mi na pila ku yeñwi ya mandu amande, neli ndu ya kale. Hane bakeni ku yeñwi ya—ya misiyu mone kuna ni—ni sikwalo sene si na ni

siiponi kaufela sona ka kutala, kuya fahalimu ni kutaha fafasi fa sikwalo. Mwabona?

274 Mi cwale mushimani yani hana kalile kumata mata mwa ndu, ato yema. Johnny yomunyinyani abona Johnny yomunyinyani. Mwabona? Mi a ñwaya mwa toho ya hae, ni Jonny yomunyinyani mwa siiponi a ñwaya toho ya hae. A seha, mi ni Johnny yomunyinyani mwa siiponi a seha. A tulela mwa halimu ni fafasi, mi ni Johnny yomunyinyani atulela mwa halimu ni fafasi mwa siiponi. Mwabona? Ataha ku sutelela fa kaufi luli. Na hupula kuli ki mushimani yomunyinyani ya na ka bapala ni yena, kacwalo a sutelela fakaufi. Handende, ato ngongola fa siiponi. Ki ha fetuha, mi bashemi ba hae neba sweli ku mu buha. Ki hali, “Ima, yani kina.”

275 Cwale mutalime ku *Se*, mi yo ki mina? Uh-huh. Uh-huh. Ki ufi wa *bo* Johnny ba banyinyani yo mu sweli kulikanyisa? Ki ufi wa mina, mwa bona? Mu alimuñwi a bona.

276 Yani ki alimuñwi wa bona, mutu yakona ku itemuna, mafosisa apili one mu fumani, one mubiza kuli ki mafosisa. Mwabona?

277 Mu litatubo ka Linzwi mi mubone haiba li lukile, haiba Linzwi lipaka lika kaufela. Mwabona, munyake lika kaufela ka Linzwi. Jesu na bulezi kuli mueze cwalo. Eeni, sha. “Mu kumalele zende.” Zeo kona za Na bulezi luli.

278 Cwale mutalime mwa siiponi sa Linzwi la Mulimu, mwa masika amañwi, mi mubone kuli ki sikwata sifi sa zetalu ze kone muka zibahalela. Cwale munahane fela, kambe ne mu ka pila mwa mazazi a Nuwe, kambe ne mu ka pila mwa mazazi a Mushe, kambe ne mu ka pila mwa mazazi a Jesu, kamba leliñwi la ona, seo kaufela sili sona, mu nahane fela kuli ki sikwata sifi se ne mu ka zibahala ku sona. Munahane cwalo busihu boo.

279 Mi, buino bwa cwale. Cwale, munahane fela cwale. Se si tungile cwale. Mi musike mwa mata fahalimwa sona. Buino bwa mina bwa cwale bwa mi tolokela sikwata se ne mu ka ipumana ku sona kwa mulaho kwani. Cwale, ki mina baatuli ba mina bañi, si paka seo muli sona.

280 Revurendi, mukutazi, si sikwata sifi so no ka fumaneha ku sona fani Jesu ha bulela pulelo yeneli tata ku ilumela? Sikamañi? Sikamañi? Kasamulaho A mano zibahala hande kuli Nali yena Linzwi, mwabona, mi ibo, pulelo yani, hamu si ka utwa kale ze cwalo, “Mwana mutu, ki sikamañi se mu ka bulela haiba A kambamela mwa Lihalimu kwa Na zwelela?”

281 Mi muli, “Kihande, Na ziba kwa Na pepezwi. Na mu ziba Ndata he, Na mu ziba Mahe, mi fa Ubulela kuli Uka kambamela kwa lihalimu kwa Na zwelela.” Sani ne si kaba se sitata nyana ku wena, nji cwani, sha? Uh-huh. Ne si kaba se sitata nyana ku wena; no si ke wa kona kubuluka Sani. Mwendi ki nto yeswana ni kacenu. Konakuli talima mwa siiponi sa Linzwi la Mulimu

ni kubona fo uyemi. Oh, mupumi wa batu, usike wa eza zeo ni hanyinyani.

<sup>282</sup> Mutalime, muteni ku yeñwi ya likwata ze. Mwa buino bwa mina bwa cwale, buino bwa mina bwa cwale mwa munahano wa mina, kuli, mina mwa sicaba se si bonahala se, ni mina baba kaba mwa sicaba se si sa bonahali sa tepu ye, buino bwa mina bwa cwale mwa munahano kasamulaho wa ku teezeza kwa tepu ye, bu paka ku mina hande sitopa semuli ku sona. Bwa mi bulelela luli fo muinzi, kamba u mulumeli mwa Linzwi mi uka pila ni Lona, kamba uka zwela fande kuñala, kamba kutima tepu yeo. Hmm? Seo sa bulela so ezize. Ha utabeli ku teezeza ku Yona, ni ku Itima fela, uli, “Hani lati ku teezeza ku Zeo,” yani, yani ki ya sa lumeli. Mwabona, hamuna kuitima ni kulika kubona haiba ki Niti kamba nee. Mwabona? Kamba ku i canganisa fela ni kulika ku fumana mafosisa ku Yona, konakuli mwa ziba fo muinzi, ni mina. Ya mi bulelela.

<sup>283</sup> Mulimu a lu tuse ku Li lumela ni kuyema ku Lona, ni kuba ni likute ku Lona, ni ku utwela Linzwi, kakuli Yena ki yena Linzwi. Kana mwa lumela cwalo? [Kopano ili, “Amen.”—Mu.]

Ha lu, ha lu lapeleñi.

<sup>284</sup> Ndate Yomunde ya kwa Lihalimu, mo ku bezi tata, linako zeñwi, kubulela lika ze, ni kuziba kuli hakulata batu ba baeza likitikiti ze mashumi a sicaba baka utwela ze fa tepu, hanze ba ya mwahala naha ni kupotoloha lifasi. Kono, Mulena Yomunde, ki niti, ki niti luli. Na lapela, Mulena, pili kenisa pilu yaka. O Mulena, ni tatube, ni like.

<sup>285</sup> Aku ni talime fela, Mulena. Na fokola. Ni—Ni—Ni... Ni—Ni katezi. Ni—Ni katezi botehile luli. Mumizo wa ka u kubuhile. Milomo—milomo—milomo yaka i—i—i—pazauhile, cwalo. Mi, haili mubili waka wa letuka, Ni ya ni supala. Mi—mi hakuna kuba linako zeñata hahulu, Mulena, mwendi, kuna ni masulungundu amañata mwa lizazi, kufitela—kufitela ha Nika—Nika be niya.

<sup>286</sup> Mi cwale ni tatube, cwale, Ndate. Mi haiba—haiba kuna ni sesiñwi se Ni eza ka mafosisa, mi ha ni si zibi, Wena—Wena si patulule fela kuna, Mulena. Wena, Uni bonise. Ni, Ni itukisize kuli ni si kondise.

<sup>287</sup> Ni italima ili na mwa siiponi sa Linzwi la Mulimu. Ki kai fo Ni yemi? Kana Na bona sifateho sa ka kuli si bonahalisa Jesu Kreste nji? Kana yani ki yena mutu ye Ni bona mwa siiponi nji? Kikuli Ni bona balumeli ba Testamente ya Kale, kamba balumeli ba Testamente ye Nca? Kana Ni bona mulikanyisi wa kulumela? Kana Na ipona ili na sina mutu ya likanyisa kulumela ya si ke ku yemela zeo ni ku teezeza Linzwi, mi ni nge mulelo wa kopano fela kanti? Kikuli Na ipona ilina inge ni sweli kuicanganisa, kulika ku fumana fela lisuba nyana?



288 Mulena, haiba ku cwalo, aku—aku ni kenise, Mulena. Lumeleza pilu yaka kuba ye kenile ni ye petehile. Kakuli, bo kona bupilo bwa ka, Mulena, Ni. . . Ki, Ni bata kuli li luke. Hakuna mukwa wa kueza lika zeo licika fela, haiba kuna ni mukwa wa ku lieza kuba hande. Ni, Ni bata kuli libe ze kondile hande, Ndate. Isiñi zeo fela, kono Ni ka zamaisa baana, ni basali ka mafosisa, ni sicaba se Ni lata, mi ni sona sa ni lata; konakuli, Ni kaba ya fosize.

289 Mi, Ndate, haiba kuna ni sika kaufela, haiba busihu bo Ni hupuzi kuli kopano ya keleke ifi kaufela ilukile; kamba Katengo ka Likeleke ka lukile, haiba silundwamanji sa batu si lukile; Mulena Mulimu, ni tuse kuli ni be muuna sakata, ni Mukreste sakata, kuli ni itumelele bufosi bwaka ni kuyema fa ni ku luma sicaba se ko Ni nahana kuli kona ko ku lukile. Ni kenise. Tuhela kuli ni talime ni bone. Kono cwale ha li taha kwa lika zani, Mulena, kuya ka mo Ni kona ku li bonela, kuba ni mifuta yani ni kulatula Linzwi; mwakona ku ba bulelela Lona, kono niteni ba kali, “Kihande, Ha si pangi shutano ni yekana. Ki. . . Mulimu ha libeleli Zani cwale.”

290 Mulena, Ni lumela kuli Wena ki wena Jesu yaswana. Ki Wena Mulimu ya swana sina mo No belanga kamita. Usali wena Mulimu, mi ha U cinci. Ni lumela kuli Bibeleye ye ki Linzwi la Hao, mi Ni lumela kuli Wena ni Linzwi la Hao mwa swana.

291 Mi Na lapela, Mulimu, kuli U lufe kwa Moya o Kenile wa Hao, kuli ufe bupilo kwa Linzwi, ili kulufa Mata atisa kwa bupilo; kuli, zazi leliñwi fo bupilo ha se bufelile, mi U felize ni luna, kuli lu ka fiwa mata ni ku kambamela mwa Lihalimu kone lu pilanga, mwa mihupulo ya Mulimu, kusikaba kale mutomo wa lifasi. Mulimu, lumeleza cwalo.

292 Ulu swalele libi za luna, Ndate. Haiba kuna ni baana ni basali mo, baba yemi ma sikwata sesiñwi sani, kwanda balumeli ba niti mwa Linzwi, Mulimu, kenisa lipilu za bona. Haiba kuna ni ya teezeza kaufela kwa tepu, kamba ya ka teezeza, ni lapelela ku keniswa kwa pilu ya hae, kuli Wena uka mu kenisa, Mulena. Ha—Ha ni lati ku ba bona haba lateha. Mulimu, Ni lapela kuli Wena—Wena uka lu tusa ku utwisisa kuli kufosa kulikuñwi kusike—kusike kwa tisa kufosa kokuñwi. Kuna ni fela nzila iliñwi ya kueza ka yona, fo ki kunga lifoso zepeli kuzwa mwa nzila, ni kunga ze lukile. Mi Na lapela, Ndate, kuli Wena uka lumeleza zeo ku luna, ka Jesu Krete Mulena a luna.

293 Ni litoho za luna ze inami, lipilu liinami, cwale Ni bata kuli mu kutumane hanyinyani mwa mizuzu yelikani fela.

294 Hane Ni boni pono ya lihele, sina—sina mushimani yomunyinyani, ku sabisa kwa lona. Hakulata, Na kona kufosa ku se. Sani sikona kuba fela kuba maikuto. Sakona kuba cwalo. Ha ni zibi. Ku bonahala kuli Ne nili kwa sibaka sisili. Neli za butu fela.

Kasumulaho, ha ki kale hahulu, Na to bona libaka za baba fuyozwi.

<sup>295</sup> Hane Ni li mwa libaka za baba latehile, Na huwa, “O Mulimu, usike wa tuhela kuli kube mutu ya ka taha kwanu!” Ha ukoni, hakuna lulimi lo lu kona kotalusa ku sabisa kwa sibaka sateni. Hakuna mukwa wa kuli ni mi bulelele. Haiba mulumela kuli kuna ni lihele le li tuka, le li tezi mulilo ni sulufula, seo sikona kuba—kuba sibaka se sitala sa muluti obatelwa hande ku bapiswa kwa lifateho ze sabisa za baba latehile babali mwa buino bwani, ni manyando a—a fumaneha mwa sibaka sani.

<sup>296</sup> Mi haiba Ni likile kubulela ku mina ka lika ze kona ku fitelela kutwisiso ya mutu, Ni sa palelwa kotalusa sibaka sa baba fuyozwi, kozo ya mwateni! Hakuna kushwa, hakuna ku supala, hakuna ku kula; kamita ki kuba banana fela, kamita ki kuba mwa buiketo, mi hakuna kushwa; Bupilo Bobusafeli, mwa bunca bo bu fuyozwi, mi hakuna sibi kamba sika kaufela! Oh, hakuna fela mukwa wa ku tatul- . . . kotalusa, wa li talusa ka ona.

<sup>297</sup> Nihaiba Muhalalehi Paulusi, na bulezi kuli, “Liito ha li si ka bona kale, zebe ha i si ka utwa kale, kamba mane nihaiba kukena mwa lipilu za batu,” hamukoni ku li utwisisa; hakuna mukwa wa ku li tatulula ka ona, “seo Mulimu ana ni ka zona, ku ze bulukezwi, baba Mu lata.”

<sup>298</sup> Mi cwale, taba ye kakuli ki ya niti luli, sibeli sa sicaba mwahali mo ni baba sa bonahali, lwa iponahaza mo, busihu boo, ku silisiñwi sa likwata zee. Ikona kuba kuli lu balumeli ba niti . . . Lu itatube ka Linzwi. Haiba Linzwi li bulezi nto yeñwi cwalo, mi keleke ibulezi nto isili ye shutana, ki sikamañi se mukona kunga? Mutalimele mwa siiponi sa Linzwi la Mulimu mo mu yemi. Mi haiba hamu cwalo, busihu boo, ili mwahali mo ni kwa sicaba se si sa bonahali, haiba ha mu yo cwalo, haiba hamuyo mwa mufuta o lumela wani, kana Ni mife fela linzwi la tapelo cwale, kuli mutahe mwa mufuta o lumela wani?

<sup>299</sup> Mi kana mwakona kupaka lika zeswana, ka Mulimu; ni litoho za mina ze inami, lipilu za mina liinami ni zona, meeto amina aitime, mi fapila Mulimu? Fokuñwi batu ba sabanga nyana, mwa ziba, kuli ba nanule mazoho a bona, ba saba ye ba bapani ni yena . . . Kanti, mane haba lukeli kuba ka nzila yeo, kono bona—bona ba lukela ku itakaleza ku yema mane, ni kubulela kuli, “Na, Ni fosize. Ni fosize.”

<sup>300</sup> “Yena ya—yena ya kwahela sibi sa hae hana ku shemubiwa, kono ya ka ipulela sibi sa hae uka fumana sishemo.” Mwabona? *Sibi* ki sikamañi? “Ku sa lumela,” ku sa lumela mwa (sikamañi?) mwa Linzwi.

<sup>301</sup> Cwale, haiba hamuyo mwa sikwata sani, mi kuna ni lika ze—ze mubona mwa Bible kuli hamukoni fela . . . mwa—mwa . . . mwa—mwa lika za mina—za mina za ngana, hamu—hamu koni ku li bona. Fela muka . . . Mu ziba kuli Bible ibulezi ona cwalo,

kono fela mu . . . Hamu koni fela ku li utwisisa, mi kanti mubata kuba cwalo. Mu li, “Mulimu, tuhela kuli ni be ni kutwisiso. Ni ka ku Utwela.”

<sup>302</sup> Kikuli muka nanula mazoho a mina, ni kubulela kuli, “Ni hupule halunze lu lapela”? Mulimu ami fuyole. Mulimu ami fuyole. Zeo ki zende. Mwabona?

<sup>303</sup> Luli mu nahane fela fateni, “Kana kuna ni sika sesiñwi mwa Biblele seo Ni—Ni fela—Ni fela ni sa zibi? Ni—Ni—Ni—ni na ni sabo kuli Ni ka ipumana ku iliñwi ya likwata zani. Mwendu Ni ka ipumana kuba hamoho ni baba mashumi a supile, kuli Ni . . . Kuna ni lika fela zeo Ni . . . Ku tata hahulu kuli ni utwisise kaza—kaza mo Mulimu uka eza lika ze, mwa Na kabela, kamo Jesu akona kubela ya swana, kamo—kamo lika ze. Ha—Ha ni Li utwisisi. Ni bata ku Li utwisisa. Ni—Ni bata ku Li lumela. Mi, Mulimu, tusa ku sa lumela kwaka. Ni—Ni bata kuba siemba sa Lona. Ni bata kuba muca sanda wa Linzwi. Ni bata kuli libe ku na.”

<sup>304</sup> “Haiba muina ku Na, ni Linzwi la Ka liina ku mina, konakuli mukupe se mu bata.” Muhalalehi Joani 15. Lu ziba kuli yeo ki niti. Mutalime, “Haiba muina,” isiñi mwahali ni fande, mwahali ni fande, kono, “haiba muina ku Na,” mi Yena ki yena Linzwi, “mi Li ina ku mina, konakuli mukupe fela se mu tabela mi si ka fiwa ku mina. Mu kaba ni zona.”

<sup>305</sup> “Ya amuhela Manzwi a Ka, mi alumela ku Yena ya Ni lumile, u sa zwile kale kwa lifu ukeni mwa Bupilo.” Kono kana mwakona ku amuhela Linzwi, pili? Kana mwakona ku amuhela Linzwi, Linzwi kaufela lona, Krete kaufela yena? Krete ki yena Linzwi le li tozizwe. Yena ki yena Linzwi, u tozizwe.

<sup>306</sup> Krete utalusa “Ya tozizwe,” Linzwi le li tozizwe la lizazi lateni, leli i ponahalize, ki Mupulusi, yena Muliululi. Fani kona fa Na lukela kutela, mi Na li yena Mutu ya tozizwe yani kuli ange sibaka.

<sup>307</sup> Cwale ki Moya o Kenile mwa mazazi a maungulo, kuli amonyehe Maseli a mwa manzibwana, inza kutisa Tumelo [Hakuna manzwi fa tepu—Mu.] ye ne hatikezwi fafasi, mwahala likopano; inza nyaza likopano ni kukutela kwa Tumelo ya makalelo, ni Tumelo ya makalelo ya Biblele; yona Biblele ya makalelo, kulumela Linzwi kaufela la Yona, hakuna ku Li ekeza ni ku Li eza kuli libulele se ni kubulela *sani*. Ki ku Li bulela fela ona cwalo mo Li bulelezi, mi mubata ku li lumela ka yona nzila yeo.

<sup>308</sup> Kana kuna ni alimuñwi ya si ka nanula lizoho la hae, ya ka tabela ku nanula lizoho la hae, ni kubulela kuli, “Mulimu, u ni hupule”?

<sup>309</sup> Mulimu aku fuyole, kalibe. Mulimu aku fuyole, kalibe yomunyinyani. Mulimu aku fuyole, wena. Kihande. Mulimu aku fuyole, mutu yomunyinyani. Mulimu aku fuyole, kezela ka. “Ni

bata Yena. Ni . . .” Mulimu aku fuyole, kezeli, kwa neku la ka la silyo. Mi aku fuyole ni wena, kwa mulaho. “Na bata . . .” Mi Mulimu aku fuyole, mutanga. Ni wena, kezeli, kwanu. Wena, muzwale, kwa neku leliñwi le, Mulena aku fuyole. Mulimu aku fuyole, kwa mulaho. “Aku ni hupule fela, Mulena.”

<sup>310</sup> Cwale muhupule, ha mu nanuleli mazoho a mina ku na; ki ku Yena. Kuzwa kwa mulaho waka, cwale, Mulena wa bona lizoho la hao. Niha Ni sa li boni, Yena wa li bona. Wa ziba pilu ya hao. Wa ziba ze sweli kulwana mwahali mo. Wa ziba mulelo wa mina. Wa ziba mufumbo wa mina seo uli sona kwa mulelo wani. Mulimu aku fuyole, muzwale.

<sup>311</sup> Yomuñwi uli, “Ni bata kulumela Linzwi kaufela.” Mulimu ami fuyole. Ku lukile. Mulimu ami fuyole. “Ni tuse, Mulena, ni tuse.” Mulena wa bona mazoho a mina. Eeni, sha. Zani ki zona. “Zani kona lika ze Ni—Ni sa utwisisi. Ha—Ha ni lati kuba ya sa lumeli. Ni ha Ni sa li utwisisi, Ni bata ku li lumela, niteñi. Ni itukisize kubulela kuli, ‘Mulena Mulimu, ki Na yo. Ni bata kulumela. Tusa ku sa lumela kwaka, Mulena.’” Mulimu abe ni mina. Mulimu ami fuyole. Buñata, ñata bwa mazoho a nanuhile, mi asa zwelapili ku nanuha.

<sup>312</sup> Mu li, “Muzwale Branham, kana seo sa tusa?” Mu nanuzi mazoho a mina hañwi, ka niti, ni mulelo o lukile, mi mu fumani mo mu i kutwezi ka zona.

<sup>313</sup> Mu pakile kuli kuna ni nto yeñwi yenyinyani mwa bupilo bwa mina, mwa ziba. Kuna ni nto yeñwi ye nyinyani, hamulati kuli ibe teñi mwani, kono i mwateni, ni hakuli cwalo. Mwa komoka mo kukona ku ezahalela. “Mi, Mulena, usike wa lumelaza kuli Ni be Judasi. Usi lumelezi kuli Ni latelele fela mwa mulaho wa—mwa Liñusa, mwendi fela ka kulika kunahana kuli zazi leliñwi kuka taha mafosisa amañwi. O Mulimu, isiñi na. Tuhela kuli ni pile hande ka swanelo ni Linzwi la Hao. Mwabona? Kamba mwendi Ni kaba ya sa lumeli ya nahana fela kuli, ‘Kihande, haiba—haiba . . . kihande, kiñi baba siyezi ba bona haba sa buleli cwalo?’ Mwabona? Ha—Hani lati kuba ya cwalo niteñi. Ni bata kuba mulumeli. Na bata kuba cwalo. Ni bona Linzwi la Mulimu la hola ye. Ni bata kubona Mulimu ku Zona. Mi, Mulena, ni eze siemba sa Linzwi lani. Ni eze siemba sa Lona. Ni bata kuba siemba sa Lona.” Mulena ami fuyole.

<sup>314</sup> Cwale halu lapeleni. Mi mutu kaufela, mu lapele mu—mu itapelele mina bañi, mi Ni ka mi lapelele. Kana mwa ziba, zazi leliñwi lu ka . . . haluna kuba hamoho fa, mwendi, fa nako nyana. Babañwi ba luna luka ngiwa, mi haluna kuba hamoho. Kuna ni babañata ba luna mo, koo, babañwi ba luna lu ya lu supala. Babañwi ba luna, halu zibi. Neba banana ba shwa. Lu shwa ka siyemo sifi kaufela. Lu lukela ku kauhana, mi nto ye i lukela ku feliswa. Mi hamu lukeli kufita ku zeo ka sipundumukela fela, mu lukela kutaha ha mu sana ni muhupulo wa mina o iketile.

315 U bulezi kuli, “Kihande, Ni si ka shwa kale, ni kone ku Li bona.” Batili, usike wa eza cwalo. Hakulata ha ukoni nihaiba kuba mwa muhupulo wa hao o i ketile. Wa kona ku bulaiwa usika fita kale kwa ndu, mwa kozi ya fa mukwakwa. Hakulata wakona kushwa kwa butuku bwa pilu. Ha lu zibi se si ka ezahala; ki Mulimu fela ya sweli zeo. Na ha ni sepi.

316 Ni sweli kutalima sicaba kwande, ni sona, baba nanuzi mazoho a bona mwa lihaululo. Mwabona? Eeni, Mulimu fuyola.

317 “Ni—Ni bata—Ni bata kuba ya lukile. Ni—Ni—Ni—Ni bata kuba ya lukile.” Mi cwale halu li kondiseni, cwale, ona fa cwale. Fela, mwakona ku li liyehisa fa nako iliñwi; haiba kuzwa mwatasa pilu ya hao, haiba uka bulela ka ku sepahala kuli, “Mulena Jesu, hakuna taba kamba ki sikamañi, kamba sa bulela mutu ufi kaufela, Linzwi la Hao likaba la pili mwa bupilo bwa ka. Na Li bata mwa bupilo bwa ka. Wena ki wena Linzwi. Bibebe ibulezi ona cwalo, mi Ni lumela kuli Bibebe ki Linzwi la Mulimu. Mi Na ziba lituto za litumelo ni lituto za milapelo, ze beilwe ku Lona, libile sishañata sa buipi. Mulena, ni kenise kwa lika ze cwalo sina zani, mi ni eze kuli ni be wa Hao ka kutala. Ni nanula mazoho a ka ku Wena. Ni nanula pilu ya ka ku Wena, linzwi la ka ku Wena, tapelo ya ka ku Wena. Mulimu, u ni utwele makeke.”

318 Mi mazoho aka a nanuhile, ni ona, Mulena. Ni kenise, O Mulena, kwa ku sa lumela kaufela.

319 Ni Ha sike ku nifa ma—ma Mata a ku zamaya inge Enoke ni ku sa shwa, kono neli kunga fela kasipili ka ku zamaya musihali omuñwi fela mi aya kwa Hae ni Yena; kono, Mulimu, Ni lumela kuli si ka ezahala, kakuli Ni ziba kuli ku lukela kuba Kuungelwa mwa lizazi la maungulo, mi musebezi uka pumehela fahali.

320 Mi, Ndate, kona mo i bulelela kalenda ya luna, lilimo ze mashumi amalalu ka ze silezi kwapili musebezi ukabe ufelele, mi Uka taha ka nako yeñwi mwahali mwani kusicwalo hakuna nama ye ka piliswa. Mi hape lwa bulelelwa, ka batomahanyi ba litaba ni ba—ni batu baba batisisa lika ze cwalo, kuli kaniti lu fitelezi babañata, lilimo zeñata kuzwa fani, lilimo zeñata kuya kwapili kwani; lwa bulelelwa, ka makalenda, kuli se luli fahule hahulu kufita fani; mwendi kuna ni fela lilimo ze lishumi ka ze ketalizoho kamba mashumi amabeli ze siyezi. Ha ni zibi, Ndate. Kono Na ziba, nihaiba kuya ka kalenda ya luna, lu se lu fitile kulo fani.

321 Ni bona ko kusike kuba ni sepo kaufela ye siyala, Mulena. Kuna ni kutaha kwa . . . Haiba ba kala ku tamulula ma bomba ani ku yomuñwi ni yomuñwi, Mulena, hakuna kuba—kuba—kuba sibaka sa ku lwanela. Bao cwale, ba ka bulayana mañi ni mañi. Mi, Mulena, liteni ki zani fani, mi ibo Bibebe ibulela kuli lihalimu kaufela ni lifasi lika tuka mulilo. Mulimu, Na ibona hola ha isutelela.

322 Ni hupula ka za pulao ya Muteleli wa naha, ni kubona muuna yomuñwi ya maswe ha taha mwateni, kusina ku lumeleza mutu yani kuli aikalabele, kono ba mu kunupa, mwa pulao ye lunya. O Mulimu, mutu yo una ni mulatu sina yomuñwi mwa bezi. Habana tukelo ya kueza cwalo. Bumaswe bwa naha ya luna mo, ye lukela kuba naha ya Sikreste, ha ki mutala kwa ku zwafisa ni ko oluli ona, Mulena, wa Sikreste. Lu swalele, Mulena, ka libi za luna.

323 Lu tuse, O Mulimu, sihulu Keleke ya Hao, bona baba kolobelizwe mwa Mubili wa kunutu wa Krete wani. Ili ka, “Moya o fa bupilo,” No bulezi cwalo. Mi sina Mwana mutu hana kambamezi kwa lihalimu, kona ni Mubili wa Hae mo ka kambamela kwa lihalimu. Mi ki Yena Toho; Keleke ya Hae kona Mubili. O Mulimu, ki Toho kona ye zamaisanga Mubili. Tuhela kuli Puso ya Linzwi i zamaise Mubili wa Krete. Mi ha Ni be siemba sa Mubili wani, Mulena.

324 Ni lapelela bona baba nanuzi mazoho abona, ni bao kaufela baba liteni ni bao kaufela baba kaba kwa matepu. Mulena Mulimu, Na lapela ka ku sephala. Ba kenye mwateni, Mulena. Aku talimele lipilu za bona. Wa ziba seo bali sona. Kono, kakuba mutanga Hao, Na—Na kupela sicaba, Mulena. Na—Na ba lata. Na ba lata.

325 Mi Ni—Ni—Ni lika fela kueza se kakuli Ni ikutwa kuba ni tumo ya Hao kuli itiyenzi kueza ona cwalo. Kacwalo, Ndate, ki Na yo fa, ni eza zende ze Ni kona ka . . . Uswalele mafosisa aka a fokola, Mulena. Ni lapela kuli Uka—Uka lumeleza ku ni fa mata, kuli Ni kone ku li tatulula patalaza hande kwa sicaba.

326 Cwale akube ni luna mwa tabernakele mo, busihu boo. U talime ku bona, Mulena, bona baba nanuzi mazoho a bona mwa tabernakele. Ni tatube, O Mulena, mi u ni like. Mi haiba kuna ni bumaswe bufi kaufela ku na, ni kenise, Ndate. Lumeleza cwalo. Kenisa keleke ye.

327 Lu kenise kaufela, Mulena, kuli Linzwi lani li ka ezwa nama mwahala luna ni ku zibahalisa zeo mwa ni ku zibahaliswa mwa lifasi kaufela mwa lizazi le. Lumeleza cwalo, ndate. Kakuli, Ni beya se, nina kasibili, hamoho cwalo ni palo ye, hamoho cwalo ni sicaba se, mi ni Linzwi la Hae ni sepiso ya Hao, kwa puluso ya mioyo, ka Libizo la Jesu Krete. Lumeleza cwalo, Mulena.

328 Mi cwale Mata a Mulimu atahe fahalimwa luna mi alu toze, ku kalela cwalo ku mulisana kuisa ku wa fa munyako, ni mutu kaufela ya liteni. Mi cwale Moya o Kenile utahe mi unge sibaka sa Ona mwa lipilu zaluna, ni kunga sepiso kaufela ya Mulimu ni kupatulula ku luna kuli Linzwi la Hao ki la Niti. Ka Libizo la Jesu Na lapela.

329 Mi halunze lu inamisa litoho za luna. “Na kona . . .” Ni bata fela mulizi wa siñwañwa, haiba uka taha, kuli a lufe munembo

fa pina ye, “Ni utwa Mupulusi wa ka wa biza. Ko Ani isa Ni ka latelela.” *Ko Aniisa Ni ka Latelela.*

. . . Mupulusi waka wa biza, (Ki sikamañi sali Sona? Ki Linzwi!)

Ni utwa Mupulusi waka wa biza,  
Ni utwa Mupulusi waka, (cwale ha muhane  
lituto za litumelo za mina ni lika zeñwi)  
Nga sifapahano ni kulatel- . . .

<sup>330</sup> “Ya sike kulwala sifapahano sa hae ni ku Ni latelela, Linzwi, ha lukeli kuba mulutiwa wa Ka.”

Ko Ani isa (kukutela kwa Bibebe, ko A  
kuisa) . . . ni ka latelela,  
Ko Ani isa Ni ka latelela,  
Ko Ani isa Ni ka latelela,  
Nika . . . (Haiba ki kwa lisa, mwa Libizo la Hae;  
haiba ki kwa katala, kuli ni zuse maswabi  
aka!) . . . nzila kaufela.

<sup>331</sup> [Muzwale Branham ukala kuñuñuna *Ko Aniisa Ni Ka Latelela—Mu.*]

. . . Yena mwa katulo, (Kona cwalo, ona fa  
cwale.)  
Nika . . .

<sup>332</sup> Ki siemba mañi se muli ku sona? Ki sikamañi se mubona mwa siiponi sa mina mwa Bibebe, sona siiponi sa Mulimu mwa ku talimela, haiba Ni atulwa cwale ka Linzwi?

Ni ka ya ni . . .

<sup>333</sup> “Ni ka ya ni Linzwi, hakuna taba kamba li ka tatafala cwani. Ni ka ya mwa katulo ya Mulimu. Haiba Ni lukela kunga sesiñwi sa libaka, ni eze mulumeli, kuya ka swanelo ya Linzwi.”

. . . ni Yena, ni Yena nzila kaufela.

Kakuli ko Ani isa Ni ka . . .

<sup>334</sup> Cwale munahane fateni, ka tokomelo cwale. “Wa etelela . . .”



*MIFUTA YEMILALU YA BALUMELI* LOZ63-1124E

(Three Kinds Of Believers)

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Njimwana 24, 1963, ili fa Branham Tabernacle mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi ne i hatizizwe ni kuhasanyiwa ki ba Voice Of God Recordings.

LOZI

©2018 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)



## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)